


宋槧太平御覽



太平御覽卷第一百三十五

皇親部一

摠序后妃

人皇后

庖羲母

神農母

黃帝母

黃帝四妃

顓頊母

顓頊妃

帝嚳四妃

堯妃

舜母

舜二妃

夏禹母

禹妃

帝相后少康二妃附

桀妃

殷湯母

湯妃

帝乙妃

紂妃

周大王妃

王季妃

文王妃

武王妃

宣王后

幽王褒后

秦始皇太后

摠序后妃



尚書大傳曰古者后夫人將侍君前息燭後舉燭至于房中釋朝服襲燕服然后入御史奏雞鳴于階下奏猶白然後夫人鳴佩玉于房中告去也然後應門擊柝告闕也應門朝門也朝門也然後少師奏質明于陛下質然後夫人入庭立君出朝。毛詩曰關雎后妃之德也風之始也所以風天下而正夫婦也關關雎鳩在河之洲窈窕淑女君子好逑。又曰葛覃后妃之本也后妃在父母家則志在於女功之事躬儉節用服澣濯之衣尊敬師傅則可以歸安父母化天下以婦道也。又曰卷耳后妃之志也又當輔佐君子求賢審官知臣下之勤勞內有進賢之志而無險詖私謁之心朝夕思念至於憂勤也采采卷耳不盈頃筐嗟我懷人寘彼周行。又曰樛木后妃逮下也言能逮下而無嫉妬之心焉南有樛木葛藟纍之樂只君子福履綏之。又

曰螽斯后妃子孫衆多也言若螽斯不妬忌則子孫衆多也螽斯羽詵詵兮宜爾子孫振振兮。又曰桃夭后妃之所致也不妬忌則男女以正婚姻以時國無鰥民也桃之夭夭灼灼其華之子于歸宜其室家。又曰兔置后妃之化也關雎之化行則莫不好德賢人衆多也肅肅兔置椽之丁丁赳赳武夫公侯干城。又曰芣苢后妃之美也天下和平則婦人樂有子矣采芣苢言采之。又曰雞鳴思賢妃也哀公荒淫怠慢故陳賢妃貞女夙夜警戒相成之道焉天子之妃曰后鄭玄注曰后禮記曰天子之妃曰后鄭玄注曰后

又婚義曰古者天子后立六宮三夫人九嬪二十七世婦八十一御妻以聽天下之內治以明章天下之婦順故內和而家理天子立六官三公九卿二十七大夫八十一元

士以聽天下之外治以明章天下之男教故外和而國治
故曰天子聽男教后聽女順天子理陽道后治陰德天子
聽外治后聽內職教順成俗外內和順國家治理此之謂
盛德

白虎通曰天子之妃謂之后何后者君也天子妃至尊故
謂君也明海內之小君也

史記曰自古受命帝王及繼體守文之君非獨內德茂也
蓋亦有外戚之助焉夏興也以塗山而桀放也用末喜殷
之興也以有妲及有萋而紂之滅也嬖妲己周之興也以
姜嫄及大妣而幽王之擒也淫褒姒故易基乾坤詩首關
雎書美釐降春秋譏不親迎夫婦之際人道之大倫也漢
書曰漢興因秦之稱號帝母稱皇太后祖母稱太皇太后
正嫡稱皇后妾皆稱夫人有美人良人八子七子長使少

使之號焉至武帝制婕妤娥倭俗華充依各有爵位而元
帝加昭儀之號凡十四等云昭儀位視丞相爵比諸侯王
婕妤視上卿比列侯娥倭視中二千石比關內侯俗華視
真二千石比大上造美人視二千石比少上造八子視千
石比中更充依視千石比左更七子視八百石比右庶長
良人視八百石比左庶長長使視六百石比五大夫少使
視四百石比公乘五官視三百石順常視二百石無涓共
和娛靈保林良使夜者皆視百石上家人子中家人子視
有秩斗食云五官以下葬司馬門外陵上同
馬門外
應劭漢官曰皇后稱椒房詩云椒聊之實蔓衍盈升美其
繁興以椒塗室亦取溫煖除惡氣也猶天子赤泥殿上曰
丹墀

漢舊儀曰皇后婕妤乘輦餘皆以茵四人輿以行

又曰皇后玉璽文與帝同皇后之璽金螭虎紐

又曰皇后太子各食三十縣曰湯流邑○五經要義曰古者后夫人必有女史彤管之法后妃群妾以禮御于君所女史書其日授其環以示進退之法生子月辰則以金環退之當御者以銀環進之著于左手既御著于右手左者陽也以當就男故著左手右手陰也既御而復故此女史之職也

後漢書曰夏殷以上后妃之制其文略矣周禮王者立后三夫人九嬪二十七世婦八十一御女以備內職焉后正位宮闈同體天王夫人坐論婦禮九嬪掌教四德世婦主喪祭賓客女御序于王之燕寢頒官分務各有典司女史彤管記功書過居有保阿之訓動有環珮之響進賢才以輔佐君子哀窈窕而不淫其色所以能述宣陰化修成內

則閨房肅雍險謁不行也故康王晚朝關雎作諷宣王晏起姜氏請愆及周室東遷禮序凋缺諸侯潛縱軌制無章齊桓有如夫人者六人晉獻升戎女爲元妃終於五子作亂家嗣遘屯爰逮戰國風憲偷薄適情任欲顛倒衣裳以至破國亡身不可勝數斯固輕禮弛防先色後德者也秦并天下多自驕大官備七國爵列八品漢興因循其號而婦制莫釐高祖帷薄不脩孝文衽席無辯然而選納尚簡飾玩少華自武元之後世增淫費至乃掖庭三千增級十四妖倖毀政之符外姻亂邦之迹前史載之詳矣及光武明德中興斷珞爲璞六宮稱號唯皇后貴人貴人金印紫綬俸不過粟數十斛又置美人宮人采女三等並無爵秩歲時賞賜充給而已漢法常因八月筭人遣中大夫與掖庭丞及相工於洛陽鄉中閱視良家童女年十三已上二

十已下姿色端麗合法相者載還後宮擇視可否乃用登御所以明慎媵納詳求淑哲明帝聿遵先旨宮教頗修登建嬪后必先令德內無出閫之言權無私溺之授可謂矯其弊矣向使因設外戚之禁編著甲令改正后妃之制貽厥方來豈不休哉雖御己有度而防閑未篤故孝章以下漸用色授恩隆奸合遂忘淄蠹自古雖主幼時艱王家多釁必委成家宰簡求忠賢未有專任婦人斷割重器唯秦苒太后始攝政事故穰侯權重於昭王家富於嬴國漢仍其謬知患莫改東京皇統屢絕權歸女主外立者四帝臨朝者六后莫不定策帷帟安事父兄貪孩童以久其政抑明賢以專其威任重道悠利深禍速身犯霧露於靈臺之上家嬰繆紳於園狎之下湮滅連踵傾軛繼路而赴蹈不息焦爛爲期終於陵夷大運淪亡神寶詩書所歎略同一

揆

魏志曰魏因漢法母后之號皆如舊制自夫人以下世有增損太祖建國始命王后其下五等有夫人有昭儀有婕妤有華容有美人文帝增貴嬪淑媛脩容順成良人明帝增淑妃昭華脩儀除順成官太和中始復命夫人登其位於淑妃之上自夫人以下爵凡十二等○又曰黃初三年詔曰夫婦人與政亂之本也自今已後群臣不得奏事太后后族之家不得當輔政之任又不得橫授茅土之爵以此詔傳後世若有背違天下共誅之○殷融議后父不應拜后曰天性之至父子之道人倫之序君臣之義性至因親故情禮無二義序緣敬故尊嚴無上易曰有父子然後有君臣有君臣然後禮義生焉故資父事君教之至也君不以貴而臣其所尊故子爵不加於父也夫以帝王之尊

猶無臣妾父母之義況后從尊於帝而令父母執臣妾邪而鄭玄復云公朝與歸寧別有二制尊卑選用拜謁更互亦未詳斯議爲何所據。晉張華女史箴曰茫茫造化二儀始分散氣流形既陶既甄在帝庖犧肇經天人爰始夫婦以及君臣家道正而王猷有倫婦德尚柔含章貞吉嫺婉淑慎正位居室施衿結褵虔恭中饋肅慎爾儀式瞻清懿樊姬感莊不食鮮禽衛女矯相耳忘和音志厲義高而二主易心玄熊攀檻馮媛趨進夫豈無畏知死不恡班妾有辭割歡同輦夫豈不懷防微慮遠道罔隆而不殺物無盛而不衰日中則昃月滿則虧崇猶塵積替若駭機人咸知飾其容而莫知飾其性性之不飾或愆禮正斧之藻之克念作聖出其言善千里應之苟違斯義則同衾以疑夫出言如微而榮辱由茲勿謂幽昧靈鑒無象勿謂玄漠神

聽無響無矜爾榮天道惡盈無恃爾貴隆者墜鑒于小星戒彼攸遂比心螽斯則繁爾類歡不可以黷寵不可以專專實生慢愛極則遷致盈必損理有固然美者自美翻以取尤治容求好君子所讎結恩而絕職此之由故曰翼翼矜矜福所以興靖恭自思榮顯所期女史司箴敢告庶姬

後魏書曰魏氏王業之兆雖始於神元自昭成世崇儉質妃嬪嬪御率多闕焉唯以次第爲稱而章平思昭穆惠煬烈入帝妃后無聞道武追尊祖妣皆從帝謚爲皇后始立中宮餘妾或稱夫人多少無限然皆有品次太武始增左右昭儀及貴人椒房等後庭漸已多矣

後魏書曰後魏故事將立皇后必令手鑄金人以成者爲吉不成則不得立也又太武文成緣保母劬勞之恩並極

尊崇之義雖事乖典禮而觀過知仁
北史曰周氏率由姬制內職有序文帝創基修衽席以儉
約武皇嗣曆節情愆於矯枉官闈有貫魚之美戚里無私
溺之尤可謂得君人之體也宣皇外行其志內逞其欲溪
壑難滿採擇無厭恩之所加莫限廡阜榮之所及無隔險
諛於是升蘭殿以正位踐椒庭而齊體者非一人焉階房
帷而施青紫緣恩倖而擁玉帛非一族焉雖辛癸之荒淫
趙李之傾城曾未足比其髣髴也人厭苛政其事實多文
帝之祀忽諸特由於此隋文思革前弊大矯其違唯皇后
當室旁無私寵婦官位號未詳備焉開皇二年著內官之
式略依周禮省減其數煬帝時后妃嬪御無釐婦職唯端
容麗飾陪從醜遊而已帝又參詳典故自製嘉名著之於
令

人皇后

春秋命曆序洛書擿亡辟曰人皇兄弟九人別長九州離
艮地精女出爲之后離艮卦所推也

庖犧母

河圖曰燧人之世大跡出雷澤華胥履之生伏羲帝系譜
曰伏羲十月四日人定生母華胥孝經河圖云伏羲在亥得人定之時

神農母

春秋元命苞曰女登生神農人面龍顏始爲天子
孝經鈎命決曰在妣感龍生帝鬼魁鬼魁神農名

帝王世紀曰炎帝神農母曰任姒有蟠氏女名女登少典
妃遊華陽有龍首感之生神農於裳羊山一日少典娶莽
水氏女曰聽訖音生常臨女子

黃帝母

河圖曰黃帝母曰地祇之子名附寶之郊野大霓繞北斗
樞星耀威附寶生軒轅

帝王世紀曰黃帝有熊氏少典之子母曰附寶其先即炎
帝母有蟠氏之女與少典氏婚及神農之末少典氏又娶

附寶見大霓光繞北斗樞星照郊野附寶孕二十五月生
黃帝於壽丘千寶云二十五
月而生餘同

黃帝四妃

史記曰黃帝娶西陵氏女是為累祖為黃帝正妃生二子
其後皆有天下

漢書古今表曰黃帝妃方雷氏生玄囂為青陽妃累祖生
昌意妃彤魚氏生夷鼓妃嫫母生蒼林

帝王世紀曰黃帝四妃生二十五子元妃西陵氏累祖次
妃方雷氏曰女節次曰彤魚氏次曰嫫母

列女傳曰黃帝妃曰嫫母於四妃之班居下貌甚醜而最
賢心每自退餘同
呂氏

顓頊母

河圖曰搖光之星如虹貫月正白感女樞於幽房之宮生
帝顓頊

史記曰昌意娶蜀山女昌樸生高陽高陽有聖德黃帝崩
高陽立是為顓頊

帝王世紀曰昌意正妃謂之女樞金天氏未生顓頊於弱
水搜神
記同

顓頊妃

世本曰顓頊娶于勝墳氏宋忠注
曰國名之子謂女祿是生老童
帝系云勝
奔氏餘同

帝嚳四妃

河圖曰慶都與赤龍合生於赤帝伊堯世記云從母姓

毛詩曰天命玄鳥降而生商宅殷土茫茫
春秋元命苞曰周本姜嫄遊闕宮其地扶桑履大跡生后稷

春秋合誠圖曰堯母慶都有名於世蓋太帝之女生於斗維之野常在三河之東南天大雷電有血流潤大石之中生慶都長大常有黃雲覆蓋之夢食不飢天帝以年二十氣食

寄伊長孺家無夫出觀三河之首常若有神隨之有赤龍負圖至署曰赤帝起成天寶即慶都之謹任之乳之必於翼之野奄然陰風雨龍與慶都合有身龍消不見乳堯漢書

云堯母十四月生堯帝王世紀搜神記同

史記曰魯要陳豐生放勳

又曰后稷棄母有邰氏女曰姜嫄為帝嚳元妃出野見巨

人跡心欣然說欲踐之身動如孕者居期而生子以為不祥棄之隘巷牛馬過者皆避不踐以為神收養之初欲棄之因名棄

焉史記曰戰國策齊宣王問曰文王
毛詩生民曰厥初生民時維姜嫄生民本后稷也姜姓也后稷之母配高辛氏帝

史記曰殷契母簡狄有娥氏女為帝嚳次妃三人行浴見玄鳥遺其卵簡狄取而吞之因孕生契

世本曰帝嚳卜其四妃而四妃之子皆有天下元妃有邰國之女曰姜嫄是產后稷次妃有娥氏之女簡狄是產契次妃曰陳豐是生帝堯次妃曰姬訾產帝摯

帝王世紀曰姬訾班在四人生摯最長故登帝位

堯妃

世本曰堯娶散宜氏子謂之女皇宋忠曰是生丹朱帝系漢書同

帝王世紀曰女瑩生丹朱

漢書亦云女瑩

舜母

河圖著命曰握登見大虹意感生舜於姚墟

史記曰舜母早死瞽瞍更娶後妻生象傲

尚書曰師錫帝曰有鰥在下曰虞舜岳曰瞽子父頑母嚚

象傲克諧以孝烝烝乂不格姦帝曰我其試哉女于時觀

厥刑于二女釐降二女于嬀汭嬪于虞

禮記曰舜葬蒼梧蓋二妃未之從也

山海經曰大荒之中有不庭之山帝俊妻娥皇生焉

帝系曰舜娶于帝堯謂之曰女姬

列女傳曰有虞二妃帝堯之二妃也長曰娥皇次日女英

堯舉舜為相攝行王政每事常謀於二女舜既受禪升為

天子娥皇為后女英為妃事瞽瞍猶若初焉天子稱二妃

聰明貞仁舜陟方死蒼梧二妃死於江湘之間謂之湘君

尸子曰堯妻舜之娥媵之以皇娥皇眾女之英

離騷九歌湘夫人曰帝子降兮北渚目眇眇兮愁予

帝子謂堯二女娥皇女英隨舜不及墮於湘水渚因為湘夫人也娟娟兮秋風洞庭波兮木葉

下

夏禹母

河圖著命曰脩紀見流星意感生帝文命我禹興

周禮含文嘉曰夏姁氏以蕙苾生

孝經鈞命決曰命星貫昴紀夢接生禹父

世本日蘇娶莘氏曰女志是生高密禹

禹妃

尚書咎繇謨禹曰予娶于塗山辛壬癸甲

命使之星謂流行帝系云產文命餘同辛日娶妻至于甲日復往治水

啓呱呱而泣予不子塗山女史記同

山海經曰太室嵩高咸陽西啓母化為石在焉

帝王世紀曰禹始納塗山氏女曰女媧合婚於台桑有白

狐九尾之瑞至是為攸女故連山易曰禹娶塗山之子名

曰攸女生啓是也

列女傳曰啓母塗山者夏禹之妃塗山之女也禹娶四日

而去治水啓既生呱呱而泣禹三過其門不入

呂氏春秋曰禹行功見塗山之女禹未之遇南音南土遇

禮成塗山之女乃令其妾往候禹于塗山之陽女作歌曰

候人實始作南音也

帝相后少康二妃附見

左傳曰伍員曰昔有過澆滅夏后相后緡方娠逃出自竇

相妻歸于有仍緡有仍氏女也生少康焉澆求之逃奔有虞虞思

妻之以二姚

楚辭曰迨少康之未家留有虞之二姚

桀妃

洛書錄運法孔子曰逢氏抱小女末喜觀帝孔甲悅之以

為太子履癸妃

國語曰桀伐蒙山而得末喜

紀年曰后桀伐岷山岷山進女于桀三人曰琬日琰桀受

二女無子刻其名于苕華之玉苕是琬華是琰而弃其元

妃于洛曰末喜氏末喜氏以與伊尹交遂以聞夏

帝王世紀曰末喜好聞裂繒之聲而笑桀為發繒裂之以

順適其意

列女傳曰夏桀末喜者夏桀之妃也桀伐有施有施女以

末喜以女妻人曰女

未嘗以如殷湯母

河圖著命曰扶都見白氣貫月意感生黑帝子湯文以

帝王世紀曰湯娶有莘為正妃而笑樂以婦德

列女傳曰湯妃有莘之女也德高而伊尹為之媵臣佐湯

致主訓正後宮嬪御有序咸無嫉妬逆理之人生三子太

丁外丙仲壬教誨有成太丁早卒丙壬嗣登太位與

史記曰帝乙長子曰微子啓賤不得立立少子辛辛母正

后幸為嗣帝乙妃

帝王世紀曰帝乙二妃生四子長曰微子啓中曰微仲少

曰受德辛庶妃生箕子初啓母之生啓及仲尚為妾及立

為后乃生紂

紂妃

史記曰紂伐有蘇有蘇人以妲己女焉紂愛妲己妲己之

言是從武王殺之斬以玄戈懸之小白旗世本又載

列女傳曰妲己者殷紂之妃也紂伐有蘇有蘇女以妲己

美而辯用心邪僻夸比於體戚施於貌紂好酒淫樂不離

妲己所譽者貴之所憎者誅之

周大王妃

毛詩曰古公亶父來朝走馬率西水滸至于岐下爰及姜

女聿來胥宇

又曰摯仲氏任自彼殷商來嫁于周日嬪于京乃及王季

維德之行任摯國李姓

史記曰古公太姜生少子季歷季歷娶大姪皆賢婦人生

子曰昌

列女傳曰太姜者太王之妃有台之女曰賢而有色生太伯仲雍王季化導三子皆成賢德太王有事必諮謀焉

王季妃

河圖著命曰太姬夢長人感己生文王

毛詩曰思齊太姬文王之母思媚周姜京室之婦

列女傳曰太姬者王季之妃摯任之女也端懿誠莊維德

之行及其有娠也目不視惡色耳不聽淫聲口不出放言

洩子豕牢而生文王文王生而明聖太姬教以一而知其

百卒為周宗君子謂太姬為能胎教

文王妃

毛詩曰天監在下有命既集文王初載天作之合在洽之

陽在渭之涘續女維莘長子維行

王箋云太姬厚生聖子武王國也長子長女篤生武

又曰大妣嗣徽音則百斯男

論語泰伯曰武王曰予有亂臣十人

公望畢公榮公號叔閔天散宜生孔子曰才難不其然乎

唐虞之際於斯為盛有婦人焉九人而已

列女傳曰大妣文王之妃莘妣之女也號曰文母

武王妃

左傳曰子產曰當武王邑姜方娠太叔

懷胎為娠太叔成夢帝謂己余命而子曰虞

與之唐屬諸參而蕃育其子孫及生有文在手曰虞遂以

命之

帝王世紀曰武王納太公之女也曰邑姜脩教于內生太

子誦

宣王后

璣語曰元妃獻后生子不恒其月而生后弗敢舉王召群
吏問將弃之仲山甫曰天將以是棄周棄之何益且卜筮
言何必從乃弗棄太公之文列女傳曰周宣姜后者齊侯之女也宣王嘗夜卧而晏起
后夫人不出於房姜后既出乃脫簪珥待罪於永巷使其
傅母通言於王曰妾不才妾之淫心見矣至使君王失禮
而晏朝以見君王之樂色而忘德也王曰寡人不德實自
生過非夫人之罪也

幽王褒后

毛詩曰白華周人刺幽后也幽王取申女以爲后又得褒
姒而黜申后故下國化之以妾爲妻以孽代宗幽后褒
姒也又曰正月刺幽王也燎之方揚寧或滅之赫赫宗周褒姒
滅之

國語曰夏之衰也二龍止於夏庭而曰余褒之二君夏帝
卜請其爨而藏之乃吉韋昭曰龍吐沫龍亡而爨在櫝而
龍之精氣也

藏之三代莫敢發至厲王之末發而觀之爨流于庭不可
除王使婦人裸而譟之爨化爲玄龜入王後宮童妾既亂
而遭之既笄而孕無夫而生子懼而弃之宣王之時童謠
曰厭弧箕服實亡周國有夫婦賣是器者見後宮童妾所
弃妖子聞其啼哀而收之夫婦亡奔褒褒人有罪請入所
棄女是爲褒姒幽王愛之生伯服廢申后而以褒姒爲后
褒姒不好笑幽王欲其笑萬方不笑烽火大鼓譟諸侯悉
至至而無寇褒姒乃大笑幽王數爲舉烽火申侯怒與西夷
犬戎攻殺王虜褒姒史記列女傳
世紀並同也列女傳曰幽王出入與褒姒同乘弋獵不時以適褒姒意

史記曰呂不韋所幸姬有娠而進之子楚生秦始皇是為太后
太后曰由王川人與我媾以成之
說苑曰秦始皇太后不謹幸即嫪毐封為長信侯生兩子
毒專國事驕奢與侍中左右貴人俱博飲酒醉爭言而鬪
瞋目大呼曰吾乃秦皇之假父也嬖人子何敢與我亢鬪
者走行白始皇始大怒毒因作亂戰咸陽宮始皇取毒
四支車裂之取兩弟囊撲殺之皇太后置之械陽宮下令
曰敢以太后事諫者戮而殺之闕下諫而死者二十七人
茅焦乃止謁于王遂以千乘萬騎自迎太后歸咸陽太后
喜大置酒待茅焦及飲太后稱曰抗枉令直使敗更成安
秦社稷使妾母子復得相會茅君之力也

太平御覽卷第一百三十五

太平御覽卷第一百三十六

皇親部二

漢太上昭靈后

高祖呂皇后

高祖薄皇后

孝惠張皇后

文帝竇皇后

孝景薄皇后

孝景王皇后

孝武陳皇后

孝武衛皇后

孝武李皇后

孝昭趙太皇

孝昭上官皇后

衛太子史后

史皇孫王悼后

孝宣許皇后

孝宣霍皇后

孝宣王皇后

孝元王皇后

孝元傅皇后

信都馮太后

孝成許皇后

孝成趙皇后

孝哀丁太后

孝哀傅皇后

孝平母衛姬

孝平王皇后

漢太上昭靈后

王皇后

詩含神霧曰含始吞赤珠刻曰玉英生皇刻刻鏤有後赤玉英文也

龍感女媧劉季興春秋握成圖曰執嘉妻含始游雒池赤珠出刻曰玉英吞

此者為王客以其年生劉季為漢皇為王客者為王者所賓客

史記曰高祖母媧嘗息大澤之陂夢與神遇時雷電晦冥

父太公往視則見蛟龍於上已而有娠遂產高祖

帝王世紀曰太上皇名執嘉妃曰媧為昭靈后

陳留風俗傳曰沛公起兵野戰喪皇妣于黃鄉天下平定

乃使使者以梓宮招魂於幽野於是丹蛇在水自洒濯

入于梓宮其浴處有遺髮故謚曰昭靈后黃鄉今小黃縣

也

高祖呂皇后

漢書曰高祖后呂皇后父呂公單父人也好相人高祖微

時呂公見而異之乃以女妻高祖生惠帝魯元公主後漢

王得定陶戚夫人愛幸生趙王如意呂后為人剛毅佐高

帝定天下高祖崩惠帝立呂后為太后乃令永卷囚戚夫

人髡鉗衣赭衣令舂戚夫人舂且歌曰子為王母為虜終

日春薄暮常與死為伍相離三千里當誰使告汝太后聞

之大怒曰乃欲倚汝子邪乃召趙王欲誅之使者三反趙

相周昌不遣太后召趙相相至長安使人復召趙王王來

惠帝慈仁知太后怒自迎趙王灞上入挾趙王與起居飲

食數月帝晨出射趙王不能早起太后伺其獨居使持鳩

飲之迨帝還趙王死太后遂斷戚夫人手足去眼燻耳飲

瘖藥使居鞠域中名曰人彘居數月召惠帝視人彘帝視而問知其戚夫人迺大哭因病歲餘不能起使人請太后曰此非人所爲臣爲太后子終不能復治天下以此日飲爲淫樂不聽政七年而崩立孝惠後宮子爲帝太后臨朝稱制后治天下八年病大禍而崩

高祖薄皇后

漢書曰高祖薄姬文帝母也父吳人秦時與故魏王宗女魏媼通生薄姬魏豹立爲王而魏媼內其女於魏宮許負相薄姬當生天子曹參等虜魏王薄姬輸織室詔內後宮歲餘不得幸始姬少時與管夫人趙子兒相愛約曰先貴無相忘已而管趙先幸漢王四年坐河南成臯靈臺此兩美人侍相與笑薄姬初時約漢王問其故兩人俱以實告漢王心悽然憐薄姬是日召欲幸之對曰昨暮夢龍據妾

胷上曰是貴徵也吾爲汝成之遂幸有娠歲中生文帝高帝幸姬戚夫人之屬呂后怒皆幽之不得出宮而薄姬以希見故出從子之代代王爲帝尊爲皇太后

東觀漢記曰中元元年告祠高廟曰高皇呂后不宜配食薄太后慈仁孝文皇帝賢明子孫賴福延至于今宜配食地祇高廟今上薄太后尊號爲高皇后遷呂太后于園

孝惠張皇后

漢書曰孝惠張皇后宣平侯敖女也敖尚帝姊魯元公主有女惠帝卽位呂太后欲爲重親以公主女配帝爲皇后欲其生子萬方終無子迺使陽爲有身取後宮美人子名之殺其母立所名子爲太子惠帝崩太子立爲帝呂后崩大臣正之以非孝惠子誅之惠后廢處北宮

孝文竇皇后

漢書曰孝文竇皇后景帝母也呂太后時以良家子選入宮會太后出宮人以賜諸王各五人竇姬家在清河乃求其主者願歸清河而主者誤寘於代籍中竇姬泣涕而行及至代代王獨幸竇姬生子文帝立數月公卿請立太子而竇姬爲皇后景帝立爲皇太后好黃帝老子言景帝及諸竇不得不讀老子以尊其術

孝景薄皇后

漢書曰孝景薄皇后孝文薄太后家女也景帝立立薄妃爲皇后無子無寵立六年薄太后崩皇后廢

孝景王皇后

漢書曰孝景王皇后武帝母也父仲槐里人初嫁爲金王孫婦生一女矣而母臧兒卜筮曰兩女當貴欲倚兩女奪于金氏金氏怒不肯與決乃內太子宫太子幸愛之生三

女一男男方在身夢日入其懷中以告太子太子曰此貴徵也景帝即位立爲皇后男爲太子景帝崩武帝即位爲皇太后也

孝武陳皇后

漢書曰孝武陳皇后長公主嫖女也武帝得立爲太子長公主有力取主女爲妃及帝即位妃立爲皇后擅寵驕貴十餘年而無子聞衛子夫得幸幾死者數焉上愈怒后又挾婦人媚道頗覺元光五年上遂窮治之女子楚服等坐爲皇后巫蠱祠祭祝詛大逆無道相連及誅者三百餘人楚服梟首於市

漢書武帝陳皇后退居長門宮司馬相如長門賦序曰孝武皇帝陳皇后得幸頗爲妬別在長門宮愁悶悲思聞相如天下工爲文奉黃金百斤爲相如文君取酒因求解悲

愁之辭而相如爲賦以奏主上皇后復得親幸

孝武衛皇后

漢書曰孝武衛皇后字子夫生微賤爲平陽主諶者武帝卽位數年無子平陽主求良家女子十餘人飾置家帝被灑上被除也於灑水上自被還過平陽主主見所侍美人帝不悅旣飲謳者進帝獨悅子夫帝起更衣子夫侍尚衣軒中得幸還坐忻甚賜平陽主金千斤主因奏子夫送入宮子夫上車主拊其背曰行矣強飯勉之卽貴願無相忘入宮歲餘不復幸武帝擇宮人不中用者斥出之子夫得見涕泣請出上憐之復幸遂有身尊寵元朔元年生男據遂立爲皇后據卽戾太子也

孝武李皇后

漢書曰孝武李夫人本以倡進初夫人兄延年性知音善

歌舞武帝愛之每爲新聲曲聞者莫不感動延年侍上起舞歌曰北方有佳人絕世而獨立一顧傾人城再顧傾人國寧知傾城傾國佳人不可再得上歎息曰善世豈有此人乎平陽主因言延年有女弟上乃召見之實妙麗善舞由是得幸生一男是爲昌邑哀王李夫人少而蚤卒上憐閔焉圖畫其形於甘泉宮及衛思后廢後四年武帝崩大將軍霍光緣上雅意以李夫人配食追上尊號曰孝武皇后初李夫人病篤上自臨候之夫人蒙被謝曰妾久病形貌毀壞不可以見帝願以玉及兄弟爲託上曰夫人病甚殆將不起一見屬託王及兄弟豈不快哉夫人曰婦人貌不脩飾不見君父妾不敢以燕墮見帝上曰夫人若一見我將加賜千金而予兄弟尊官夫人曰尊官在帝不在一見上復言欲必見之夫人遂轉向壁歔歔而不復言於是

上不悅而起夫人姊讓之曰貴人獨不可見上屬託兄弟耶何爲恨上如此夫人曰所以不欲見帝者適欲以深託兄弟也我以容貌之好得從微賤愛幸於上夫以色事人者色衰則愛弛愛弛則恩絕上所以戀戀顧念我者適以平生容貌也今見我毀壞顏色非故必且畏惡有吐弃我意尚肯復追思憫錄其兄弟哉及夫人卒上以厚禮葬焉

孝昭趙太后

史記曰鉞弋夫人姓趙氏河間人也得幸武帝生子一人即昭帝也武帝年七十乃生昭帝昭帝立時年五歲衛太子廢上居甘泉宮召畫工圖畫周公負成王於是左右羣臣知武帝意欲立少子後數日帝譴責鉞弋夫人脫簪珥叩頭帝曰引將去送掖庭獄夫人還顧帝曰趨行女不得活夫人死雲陽宮時暴風揚塵百姓感傷使者夜持棺往

葬之封識其處其後帝閒居問左右曰人言何云左右對曰人言以爲且立其子何爲去其母乎帝曰然是非兒曹愚人所知也往古國家所以亂也由主少母壯女主獨居驕蹇淫亂自恣莫能禁也汝不聞呂后邪故諸爲武帝生子者無男女其母莫不譴死豈可謂非賢聖哉

漢書曰孝武鉞弋趙婕妤家在河間武帝巡狩過河間望氣者言此室有奇女天子氣使使召之既至兩手皆拳上自披之手卽時伸由是得幸號曰拳夫人進爲婕妤居鉞弋宮大有寵元始三年生昭帝號鉞弋子妊身十四月適生上曰聞昔堯十四月而生今鉞弋亦然迺命其生門曰堯母門昭帝卽位追尊爲皇太后

漢武故事曰拳夫人進爲婕妤居鉞弋宮解黃帝素女之術從上至甘泉因幸告上曰妾相運正應爲陛下生一男

太平御覽 卷一百三十六
男七歲妾當死今年必死宮中多蠱氣必傷聖體言終而
卧遂卒既殯香聞十餘里因葬雲陵上哀悼又疑非常人
發冢空棺無尸唯履存爲起通靈臺於甘泉常有一青鳥
集臺上往來至宣帝時乃止
列仙傳曰鉤翼夫人姓趙少好學沈靜病卧六年右手拳
飲食少望氣云東方有貴人氣推而得之到姿色甚偉帝
披其手得一鉤而手尋拳生昭帝既而帝害之殯尸不臭
而香數月昭帝即位更葬之棺空但有衣履故名其宮曰
鉤翼後避諱改爲弋

孝昭上官皇后

漢書曰孝昭上官皇后隴西上邽人祖父榮因材力親近
爲侍中昭帝始立年八歲帝姊鄂邑長公主居禁中共養
后父安因主親近丁外人聞之長公主召入爲婕妤月餘

爲皇后年甫六歲安以后父封侯後榮謀反發覺后以少
不預謀亦以霍光外孫不廢宣帝即位合葬平陵

衛太子史戾后

漢書曰衛太子史良娣宣帝祖母也太子有妃有良娣有
孺子妻妾凡三等子皆稱皇孫史良娣生男進號史皇孫
武帝末巫蠱事起衛太子及良娣史皇孫皆遭害

史皇孫王悼后

漢書曰史皇孫王夫人宣帝母也名翁須太始中得幸於
史皇孫皇孫妻妾無號位皆稱家人子征和二年生宣帝
帝生數月衛太子皇孫敗家人子皆坐誅莫有收葬者唯
宣帝得全卽尊位後追尊母夫人謚曰悼后祖母史良娣
曰戾后皆改葬

孝宣許皇后

漢書曰孝宣許皇后元帝母也父廣漢昌邑人為暴室胥夫廣漢有女平君十四五當為內者令歐侯氏子婦臨當入門歐侯子死其母將行卜相言當大貴母獨喜張賀聞許胥夫有女乃置酒請之酒酣為言曾孫可妻也廣漢許諾明日姬聞之怒廣漢重令為謀介遂與曾孫及立為帝平君為婕妤是時霍將軍有小女與皇太后有親

孝宣霍皇后

漢書曰孝宣霍皇后光女也母顯既使女醫陰殺許后顯因為女成君衣補治入宮
 漢書曰孝宣許后起微賤登至尊從官車服甚節儉五日一朝皇太后於長樂宮親奉案上食以婦道供養及霍后

立亦循許后故事而皇太后親霍后之姊子故當竦體敬而禮之皇后輿駕侍從甚盛賞賜官屬以千萬計與許后時懸絕矣

漢書曰孝宣王皇后父奉光少時好鬪雞宣帝在人閒數與奉光會相識奉光有女年十餘每欲適人所當適者輒死故久不行及宣帝即位召入後宮稱為婕妤霍皇后廢後上憐太子蚤失母幾為霍氏所害於是乃選後宮素謹朴而無子者遂立王婕妤為皇后令母養太子元帝即位為皇太后成帝即位為太皇太后時成帝母亦姓王氏故號太皇太后為邛城太后年七十餘崩

漢書曰孝元王皇后王莽之姑也王賀字翁孺為武帝繡

衣御史逮捕魏郡盜皆縱不誅以奉使不稱免歎曰吾聞活千人者有封吾所活者萬餘人後世其興乎翁孺既免而與東平陵終氏為怨迺徙魏郡元城委粟里為三老魏郡人德之元城建公曰元城縣建公姓名也昔春秋沙麓崩晉史陰盛而故有沙麓崩後六百四十五年宜有聖女與其齊田乎今王翁孺徙正值其地日月當之元城郭東有五麓之墟即沙麓地也後八十年有貴女興天下云翁孺生禁字稚君禁生女政君即元后也初母李親妊政君在身夢月入其懷及壯夫婉順得婦人道常許嫁未行所許者死後東平王娉政君為姬未入王薨禁獨怪之使卜數者相政君當大貴不可言禁心以為然乃教書學鼓琴五鳳中獻政君年十八矣入掖庭為家人子皇后擇後宮可以娛

侍太子者政君與在其中及太子朝皇后迺見政君等五人徵令旁長御問知太子所欲太子殊無意於五人者不得已於皇后強應曰此中一人可是時政君坐近太子又獨衣絳緣遂送政君於太子宫見丙殿得御幸有娠甘露三年生成帝於甲館畫堂為世嫡皇孫宣帝崩太子即位是為孝元皇帝立太孫為太子以母王妃為皇后哀帝即位為太皇太后哀帝崩無子以莽為太司馬共徵立中山王奉哀帝後是為平帝平帝年九歲常被病太皇太后臨朝漢傳國璽以孺子未立璽藏長樂宮及莽即位請璽太后不肯以授莽莽使安陽侯舜諭旨舜素謹飭太后雅愛信之舜既見太后知其為莽求璽怒罵之曰而屬父子宗族蒙漢家力富貴累代既無以報受人寄託乘便利時奪取其國不復顧恩義為人如此者狗豬不食其餘天下豈

有而兄弟耶且若自以金匱符命爲新皇帝變更正朔服制亦當自更作璽傳之萬世何以用此亡國不祥璽爲欲求之我漢家老寡婦旦暮且死欲與此璽俱葬終不可得太后因泣涕莽欲脅之迺出璽投之地莽改號太后爲新室文母絕之於漢太后年八十四建國五年二月癸丑崩三月乙酉合葬渭陵

孝元傅皇后

漢書曰孝元傅昭儀哀帝祖母也父河內温人昭儀少爲上官太后才人自元帝爲太子得進幸

漢書曰光元傅皇后帝卽位爲婕妤甚有寵爲人有才下至宮人左右飲酒酌地皆祝延之

信都馮太后

漢書曰孝元馮昭儀平帝祖母也元帝卽位二年以選入

後宮就館生男拜爲婕妤父奉世婕妤內寵與傅昭儀等建昭中上幸虎圈鬪獸後宮皆坐熊佚出圈攀檻欲上殿左右貴人傅昭儀等皆驚走馮婕妤直前當熊而立左右格殺熊上問人情驚懼何故前當熊婕妤對曰妾聞猛獸得人而止妾恐熊至御坐故以身當之元帝嗟嘆以此倍敬重焉

孝成許皇后

漢書曰孝成許皇后平恩侯嘉女元帝悼傷母恭哀后居位日淺而遭霍氏之事故選嘉女以配皇太子侍送者還白太子忻訖狀元帝喜謂左右酌酒賀我左右皆稱萬歲久之及成帝卽位立許妃爲皇后后聰慧善史書自爲妃至卽帝位常寵於上後宮稀得進見久之皇后寵亦益衰而後宮多新愛姊平安侯夫人謁等爲媚道祝詛後宮有

娠者太后大怒下吏考問謁等誅死許后坐廢處昭臺宮
漢書曰孝成趙皇后本長安宮人初屬陽阿主家學歌舞
號曰飛鸞成帝嘗微行出過陽阿主作樂上見飛鸞而說
之召入宮大幸有女弟復召入俱為婕妤好貴傾後宮父臨
為咸陽侯後月餘乃立婕妤為皇后後寵少衰而弟絕幸
為昭儀居昭陽舍其中庭彤朱而殿上縣漆切皆銅沓冒
黃金塗白玉階壁帶往往為黃金釭金謂壁中橫帶承藍田璧
明珠翠羽飾之自後宮未嘗有焉

孝哀丁太后

漢書曰定陶丁姬哀帝母也河平四年生哀帝丁姬為太
后建平三年丁太后崩起陵恭皇之園王莽秉政乃奏貶
傅太后號曰定陶恭王母丁太后號曰丁姬元始五年莽

復奏恭王母及丁姬葬渭陵冢高與元帝山齊禮有改葬
請發王母及丁姬冢徙歸定陶太后以為既已之事不須
發莽固爭之太后詔曰因故棺為致槨作冢祠以太牢既
發傅太后冢崩壓殺數百人開丁姬槨戶火出炎四五丈
更卒以水沃滅乃得入燒燔槨中器物莽復奏言前恭王
母生僭居桂宮皇天震怒災其正殿丁姬死葬踰制度今
火焚其槨此天見變以告當改如媵妾也共王母及丁姬
槨棺皆名梓宮珠玉之衣非藩妾服請更以木槨代去珠
玉葬丁姬媵妾之禮奏可既開傅太后棺臭聞數里掘平
恭王母丁姬故冢二旬閒皆平莽又周棘其處以為世戒
云時有羣鸞數千銜土投冢中

孝哀傅皇后

漢書曰孝哀傅皇后定陶傅太后弟子也哀帝為定陶王

時傅太后欲重親取以配王帝崩王莽白太后令孝哀皇
后退就桂宮後月餘復與孝成趙皇后俱廢為庶人就其
園自殺

漢書曰中山衛姬平帝母也父曰子豪子豪女弟為宣帝
婕妤生楚孝王長女又為元帝婕妤生平陽公主成帝時
中山孝王無子上以衛氏吉祥以子豪少女配孝王生平
帝平帝年二歲孝王薨代為王哀帝崩無嗣太皇太后與
莽迎中山王立為帝莽欲顛國權衛姬及外家不當得至
京師乃賜衛姬璽綬即拜為中山王后莽長子宇非莽隔
絕衛氏日夜啼泣思見帝而但益戶邑宇復教令上書求
至京師會事發覺莽殺宇盡誅衛氏支屬莽篡國廢為家
人後歲餘卒葬孝王旁

孝平王皇后

漢書曰孝平王皇后莽女也莽欲依霍光故事以女配帝
帝崩莽立孝宣帝玄孫嬰為孺子莽即真以嬰為定安公
改皇太后號為定安公太后時年十八為人婉嫕有節操
自劉氏廢常稱疾不朝會莽敬憚傷哀欲嫁之迺號為皇
室主令立國將軍成新公孫建世子豫飾將醫往問疾后
大怒笞鞭其旁侍御因發病不肯起莽遂不敢強也及漢
兵誅莽焚燒未央宮后曰何面目以見漢家自投火中而
死

太平御覽卷第一百三十六

其精養焚熱未央宮以日所西以良藥來自并火中而
 大慈曾解其後有時因發海不背法奉者不難新也又英
 聖主令立國謀軍如陳公府聖主于無神保習其同然其
 自隆天顯帝醫寒不勝會養德聯壽文為教之臣也
 聖皇太子親臨海安公太子親親年十八為人嚴嚴有節
 帝以養立幸宣帝立親親與食器于禁中其以與為室安公
 數持曰養年王聖以親親為養德給養德光封事以文德
 太平王皇司

太平御覽卷第一百三十七

不皇親部三

東漢光武郭皇后

光武陰皇后

孝章母賈貴人

孝章梁皇后

孝和陰皇后

孝和鄧皇后

孝安李皇后

孝順梁皇后

孝質母陳妃

孝相梁皇后

孝靈宋皇后

曹大

家附

立名

人

人

人

人

孝德左皇后

孝安李皇后

孝沖母虞貴人

孝崇匱皇后

孝相鄧皇后

孝仁董皇后

孝靈何皇后

孝靈王皇后

孝獻伏皇后

孝獻曹皇后

光武郭皇后

續漢書曰光武郭皇后真定藁人也陽安思侯昌女曰聖通世祖至真定納聖通有寵世祖即位聖通為貴人建武元年生皇子強二年貴人立為皇后強為太子是後后寵衰數懷怨懟廢二十八年薨葬北陵

光武陰皇后

續漢書曰光武光烈陰皇后南陽新野人名麗華宜恩哀侯陸女也陸卒後女年十九兄識嫁與世祖納后於苑當成里以后性寬仁宜母天下欲授以尊位后輒退讓自陳不足以當男為東海王十七年郭皇后廢后立為皇后十九年太子強廢東海王為太子

東觀漢記曰上微時過新野聞后美心悅之後至長安見執金吾車騎甚盛因歎曰仕官當作執金吾娶妻當得陰麗華更始元年遂納后於苑

孝明馬皇后

續漢書曰孝明明德馬皇后伏波將軍新息侯援之女后年七歲幹治家事勅制僮御出入授計一以貫之諸家莫如其母不知其家事獨后所為也後聞之咸驚異焉母嘗使善卜者相后曰此女必當大貴遂為帝王妃然而少子建武二十八年年十三以選入太子宮接待同列如承至尊先人後已發於至誠由是見寵永平三年春有司奏請立長秋宮以帥八妾上未有所言皇太后曰馬夫人德冠後宮即其人也遂登后位身衣大帛御者禿裙不緣性不喜出入遊觀未嘗臨御牕牖又不好音樂上時幸苑園離

宮以故希從輒誠言不宜晨起因陳風邪霧露之誠辭意甚備上納焉誦易經習詩論春秋略記大義讀楚辭尤善賦頌疾其浮華聽論輒摘其要讀光武皇帝紀至有獻千里馬寶劔者上以馬駕鼓車劔賜騎士手不持珠玉后未嘗不歎息也時有楚獄囚證相引繫者甚多后慮其多濫承聞爲上言之上惻然感動於是上夜起彷徨思論所納非臣下所得聞后志在克己奉上不以私家虧朝廷兄爲虎賁中郎將兩弟黃門郎訖永平世不遷明帝體不安召黃門防奉參醫藥夙夜勤勞帝崩后作起居注省去防參醫藥事章帝卽位后爲皇太后下詔告三輔二千石無得令馬氏婚親因權託屬奸亂吏治犯者正法以聞太后素自喜儉前過濯龍門上見外家問起居車如流水馬如龍蒼頭衣綠襦直領領袖正白顧視旁御者遠不及也亦不

譴怒但絕其歲用冀以嘿止諠耳於是親戚被服如一政教不嚴而從以躬率先之故也置織室蠶於濯龍中數往來觀視內以娛樂外以先女功太后崩合葬顯節陵東觀漢記曰后長七尺二寸青白色方口美髮爲四起大髻但以髮成尚有餘繞結三匝後出諸髮眉不施黛獨左眉角小缺補之如粟后素謹慎小感慨輒自責如平生事舅姑時新平主家御者失火及北閣後殿深以自過起居不忻至正月當上原陵言我守備不精慙見原陵不上陳思王畫讚序曰昔明德馬后美於色厚於德帝用嘉之嘗從觀畫虞舜見娥皇女英帝指之戲后曰恨不如此爲妃又前見陶唐之象后指堯曰嗟乎羣臣百僚恨不戴君如是帝顧而笑

孝章母賈貴人

續漢書曰孝明賈貴人南陽人明德馬后之姨女孝章皇帝之母也初選入後宮爲貴人生章帝馬后無子帝既生而馬后母養之明帝謂馬后曰人未必當自生子也但患養之不勤愛之不至耳若能愛如己子則孝敬亦如親生矣於是馬后待章帝過於所生章帝感養育之恩遂專名馬氏爲外家故賈貴人家不蒙舅氏之寵

孝章竇皇后

續漢書曰孝章章德竇皇后右扶風平陵人竇勳之女后生二歲呼卜相工見后皆言大貴有容貌才能母此陽公主欲內之帝聞后有才色數以問諸家建初二年后與女弟隨主入見長樂宮進止得適人事脩備奉事長樂宮下侍御貢獻問遺皆得其忻心太后異之亦可焉入掖庭見北宮章德殿后性敏給稱譽曰聞太后亦緣意明年有司

請立長秋宮遂立爲后有寵專固後宮先是宋貴人生太子慶梁貴人生和帝后心忌害之皆誣以挾邪媚道後以憂卒

孝章梁皇后

續漢書曰孝章恭懷梁皇后安定烏氏人也父竦建初中以女二人選入宮有寵其弟產孝和皇帝竇后母養欲隔絕梁氏初和帝生竦兄弟不勝忻喜竊私相賀語言漏泄傳聞竇后惡之遂作蜚語誣陷以惡詔書傳考竦死漢陽獄家屬徙九真二貴人以憂薨永元九年竇太后崩竦長女嫔上書自陳上遂見嫔泣涕問訊賞賜舍第財物以二貴人葬有關改殯之于承光宮小貴人尊號曰皇太后與姊貴人合葬于西陵上謚曰恭懷皇后儀比桮園追爵謚竦爲褒親愍侯徵還竦家屬

敬隱宋皇后

續漢書曰敬隱宋皇后右扶風平陵人當陽穆侯揚之女也兩女皆有才能令色永平末俱選入宮配皇太子皆寵明帝崩太子即位是為章帝姊妹並為貴人建初三年小貴人生皇子慶二歲立為皇太子後竇后幸廢為清河王至永元九年竇后崩清河王上書求上貴人家又為外祖母求詣洛陽治病詔書聽之殤帝崩清河王子立是為安帝鄧太后崩安帝追尊小貴人曰敬隱后

孝和陰皇后

續漢書曰孝和陰皇后吳房侯綱之女也后為人聰惠有才能永元四年選入掖庭為貴人以託先后近屬故有異寵立為皇后自和熹鄧后入宮後陰后寵衰怨恨后外母鄧朱數出入后所有言后與朱共挾蠱賜后策遷于桐宮

以憂死葬臨平亭部

孝和鄧皇后 曹大家附

續漢書曰孝和和熹鄧皇后太傅高密侯禹之孫平壽敬侯訓之女也訓有五男三女長鶯次京悝弘闡女燕次綏綏即后也次容蚤卒有子女娥甫在襁褓時后年十二傷娥早孤養視撫育慈恩深至后七歲讀論語十二通詩諸兄讀經輒難問微意志在書傳母非之曰當習女工以供衣服今不是務汝當舉博士耶后重違母意則縫紵極女工事暮夜私買脂燭讀經傳宗族內外皆號曰諸生父訓心異之永元四年呼相王蘇太相后大驚曰此成湯之骨法也貴不可言七年中復與諸家女俱選入宮姿容窈窕進退辭令粲然有異與眾女殊八年十一月己卯后入掖庭為貴人諸兄除郎中后時年十六德冠後宮后性恭肅

小心承事陰氏夙夜兢兢接撫同列常尅己下之上深喜焉有特寵后自入宮遂博覽五經傳記圖讖內事風雨占候老子孟子禮記月令法言不觀浮華申韓之書上每欲官秩后諸兄弟輒爲推讓孝和世隲裁虎賁中郎將京惺弘閭黃門郎和帝未崩數失皇子皇子生養於民間羣僚無知者及和帝崩是日倉卒上下憂惶后乃收斂皇子皇子勝長有微疾殤帝生百余日后欲自養長立爲皇子其夜卽位尊皇后爲皇太后帝在襁褓皇太后臨朝建元元年三月太后崩丙午合葬順陵

東觀漢記曰后年五歲太夫人爲剪髮夫人年老日冥并中后額雖痛忍不言一額盡傷左右怪而問之后言夫人哀我爲斷髮難傷老人意故忍之耳及爲太后時宮中亡大珠一筐太后念欲下掖庭考問之恐有無辜僮仆者乃

親自臨見宮人閱問動察顏色開示恩信宮人卽時首服不加鞭箠不敢隱情宮人驚咸稱神明

曹大家附

後漢書曰扶風曹世叔妻者同郡班彪之女也名昭字惠班一名姬博學高才世叔早卒有節行法度兄固著漢書其七表及天文志未及竟和帝詔就東觀藏書閣踵而成之帝數召入宮令皇后諸貴人師事焉號曰大家每有貢獻異物輒詔大家作賦頌及鄧太后臨朝預聞政事作女誡七篇年七十餘卒皇太后素服舉哀使者監護喪事所著賦頌銘誄論疏凡十六篇子婦丁氏爲撰集之又作大家讚焉

孝德左皇后

續漢書曰孝德左皇后安帝母也父仲躬健爲武陽人后

兄聖伯爲妖言伏誅父母同產皆沒宮后長掖庭有令色賜清河王王大悅特親幸自姬妾已下莫能與比六年生男爲西河太子卒葬當利庭延平元年殤帝崩清河太子爲皇帝尊清河孝王曰孝德皇帝左姬曰孝德皇后

孝安閹皇后

續漢書曰孝安安思閹皇后河南滎陽人侍中長水校尉暢之女也有才能令色立爲皇后安帝崩閹后爲皇太后與兄顯定策禁中立濟北王少子北鄉侯爲皇帝奉後以其年少欲久專政於是大后攝政永建元年崩謚安思后合葬恭陵

孝安李皇后

續漢書曰孝安恭愍李皇后以官人侍上見幸生順帝爲閹后所妬見鳩物故瘞葬城北帝即位左右以聞更以禮

殞永元二年葬北陵謚曰愍皇后

孝順梁皇后

續漢書曰梁皇后大將軍商女后生有光景之祥及長聰獻仰承兄姊俯接弟妹恩情周悉既有女功之巧尤好史書學問之事九歲能誦孝經論語遂治韓詩大義略舉女傳列圖常在左右宗族中外咸敬異焉選入掖庭相工茅通見之大驚曰此所謂日角偃月相之極貴臣所未嘗見於是以爲貴人恩寵日崇乃白上曰陽以博施爲德陰以不專爲義蓋詩人螽斯之福則百斯男之祚所由興也願陛下思天行之普逮均貫魚之次序使小妾得免罪謗之累於是上愈善之益親顧焉陽嘉元年立爲皇后冲帝在襁褓太后攝政和平元年崩羣臣奏謚曰順烈皇后合葬憲陵

孝沖母虞貴人

續漢書曰孝順虞大家孝皇帝沖母也遭沖質仍天政在梁氏故與質帝母俱抑而無號嘉平四年小黃門趙祐議郎畢正上言孝沖皇帝母虞大家質皇帝母渤海陳夫人皆誕生聖帝未有稱號今遭盛明當以母氏序載外戚朝廷之恩臣子極賤尚有追贈況二母見在徒曰大家夫人非所以示後進母以子貴之義上感其言即日拜大家為貴人使中常侍持節就園授印綬

孝質母陳妃

續漢書曰樂安陳夫人孝質皇帝母也家本魏郡少以佞入孝王宮得幸生質帝梁冀欲專國權令帝母不得至京都又帝短祚是以外家無他寵靈帝拜夫人為孝王妃

孝崇優皇后

續漢書曰蠡吾博園優貴人者相皇帝母也上年十四襲父蠡吾侯翼爵即帝位追尊父為崇皇陵曰博陵優夫人為博園貴人和平元年有司上言為孝崇皇后即授印綬宮曰永樂

孝相梁皇后

續漢書曰孝相懿獻皇后順烈后之女弟也字女瑩上始即位備禮儀納綵案舊令媵后納采乘馬束帛如孝惠孝平故事媵后黃金二萬斤永初四年立為皇后時太后秉政皇后擅寵後宮太后崩後后恩稍衰後宮姓孕若產皇子后輒隨嫉害少有得全育者然終身亦無子後見御轉希至延喜二年以憂患崩葬懿陵

孝相鄧皇后

續漢書曰孝相鄧皇后字猛女母宣本微初適郎中鄧香

生后後適梁紀故后冒姓梁氏上誅后兄冀等立猛女爲皇后惡梁姓之同改姓亳氏復姓鄧氏后恃尊驕忌與上所幸郭貴人更相譖乃廢之凡立七年以憂死葬於北邙

孝相竇皇后

續漢書曰孝相竇皇后章帝竇后之族孫大將軍武之女也孝靈皇帝尊皇后爲皇太后后臨朝武以宦者放縱日久謀悉誅除廢其宦上欲獲忠節下副論者數入禁中進白太后太后以爲此皆天所生漢興以來世世用事國典常故何可廢邪但當誅惡耳中常寺管霸頗聞其語結謀誅武武自殺太后歸長樂宮嘉平元年六月崩合葬宣陵

孝仁董皇后

續漢書曰河間慎園董貴人孝靈皇帝母也靈帝卽皇帝位追尊父長爲孝仁皇帝陵曰慎陵董大夫人曰慎園貴

人及竇太后歸政還長樂宮迎貴人到京都奉璽綬上尊號爲孝仁皇后稱永樂宮竇太后崩後永樂后數至前省與上相見與於政事中平六年上棄天下永樂后兄子重爲驃騎將軍何太后臨朝重與太后兄大將軍進權勢相害后每欲參與政事太后輒相禁塞后憤恚嗔罵曰汝欲怙大將軍耶勅驃騎斬大將軍頭來何太后以告進進收重爵官爵重自殺后憂怖病還河間崩合葬慎陵

孝靈宋皇后

續漢書曰孝靈宋后皇敬帝宋貴人之從孫執金吾鄧之女無寵而久當正位後宮幸姬衆共譖惡誣以祝詛上信之遂策收璽綬后自致暴室獄以憂死父兄弟皆被誅諸常侍少黃門在省闈者皆憐宋氏無辜共合錢收葬后及鄧父子於罌門亭宋氏舊塋

孝靈何皇后

續漢書曰孝靈靈思何皇后南陽宛人也以良家子選入掖庭見幸妊身就館生男爲貴人父真前卒召貴人同父兄何進爲郎中靈帝崩何皇后子辯立爲皇帝后爲皇太后進爲錄尚書表紹謀誅廢中官進以紹計白太后后不聽以爲中官統領禁省自古及今漢家故事不可廢也且先帝新棄天下奈何令我楚楚與士人共事乎及董卓屯顯陽議以爲太后迫永樂后令崩逆婦姑之節遷太后于桐宮太后暴崩群臣奏謚曰靈思皇后合葬文陵

孝靈王皇后

續漢書曰孝靈靈懷王皇后孝獻帝母王障女也才明聰敏能書會計以良家子應法相選入掖庭光和三年中夏幸妊身后怖畏何皇后服藥欲除妊胎安不動又后數夢

負日遂不敢搖四年三月癸巳生上庚子渴飲米粥遂暴薨上歸掖庭暴室齋夫朱直擁養獨擇乳母歲餘永樂后自將護至三歲靈帝閔上早失所生追思后令美乃作追德賦令儀頌陵曰文昭陵起墳文陵園北

孝獻伏皇后

續漢書曰孝獻伏皇后琅邪東武人侍中輔國將軍不其侯完女也后坐與父完謀爲奸書詐罔不道上收后下暴室詔獄憂死兄弟皆伏誅

張璠漢記曰曹操入其二女於宮爲貴人誣伏氏爲亂使御史大夫郗慮仗節收后后被髮徒跣走而執上手曰不能復相活耶上大驚號哭曰我亦不知命在何時顧謂慮曰郗公天下暴虐豈有此乎左右莫不流涕遂殺后也曹瞞別傳曰公遣華歆勒兵入宮收后后閉戶匿壁中歆

壞戶發壁牽后出無名人言無名曰無名中
 曰無名公天下孝獻曹皇后平式無名不無名後無名
 續漢書曰孝獻曹后丞相魏王操女也名憲建安十八年
 詔納操二女憲節於後宮皆以為貴人明年伏后薨憲為
 皇后二十年獻帝禪位於魏憲拜山陽公夫人無名
 室無名燧無名及無名昔無名分無名

本編內皇后

太平御覽卷第一百三十七

太平御覽卷第一百三十八
皇親部四

魏武宣卞皇后

文甄皇后

晉宣穆張皇后

明毛皇后

明郭皇后

景懷夏侯皇后

文明王皇后

武元楊皇后

武悼楊皇后

惠賈皇后

惠羊皇后謝夫人附

懷王太后

懷梁皇后

元帝夏侯太妃

元敬虞皇后荀氏附

明帝庾皇后

成恭杜皇后

康帝褚皇后

簡文鄭皇后

孝武李皇后

孝武王皇后

安帝陳太后

恭帝褚皇后

魏武宣卞皇后

魏志曰武宣卞皇后琅邪人文帝母也本倡家年二十太祖於譙納后為妾後隨太祖至洛及董卓為亂太祖微服東出避難表術傳太祖凶問時太祖左右在洛者皆欲歸后止之曰曹君吉凶未定未可知今日還家明日若在何面目復相見也正使禍至共死何苦遂從后言太祖聞而善之建安初丁夫人廢遂以后為繼室諸子無母者太祖皆命后養之文帝為太子左右長御賀后曰將軍拜太子天下莫不忻喜后當傾府藏賞賜后曰王自以丕年大故用為嗣我但當以免無教導之過為幸甚耳亦何當賜遺乎長御還具以語太祖太祖悅曰怒不變容喜不改節是

最為難二十四年拜為王皇后文帝踐祚尊后曰太后稱永壽宮

魏書曰后以漢延熹三年生齊郡白亭有黃氣滿室移日父敬侯怪之以問卜者王且且曰此吉祥也為太后見外親不假以顏色常言居處當務節儉不當望賞賜念自勉也帝為太后弟秉起第及成太后幸第請諸家外親設下廚無異膳太后左右茶食粟飯無魚肉其儉如此

文甄皇后

魏志曰文昭甄皇后中山無極人明帝母父逸上蔡令后三歲失父後天下兵亂加以饑饉百姓皆賣金銀珠玉寶物時后家大有儲穀頗以買之后年十餘歲白母曰世今亂多買寶物匹夫無罪懷璧為罪又左右皆飢乏不加以穀賑給親族鄰里廣為恩惠也舉家稱善即從后言建安

中表紹爲中子熙納后冀州平文帝納后於鄴有寵生明帝郭后李陰貴人並愛幸后愈失意有怨言帝大怒遣使賜死葬于鄴明帝卽位有司奏請追謚又別立寢廟太和元年追封逸謚曰敬侯適孫像襲爵初營宗廟掘地得玉璽方一寸九分其文曰天子羨思慈親明帝爲之改容以太牢告廟又嘗夢見后於是舅氏親踈高下敘用各有差賞賜累巨萬

魏書曰甄后每寢寐家中髣髴見人持玉衣覆其上者常共怪之相工劉良相后曰此女貴乃不可言后自少至長不好戲弄年八歲外有立騎戲馬者家人諸姊皆上閣觀之后獨不行年九歲喜書視字輒識數用諸兄筆硯兄謂后言汝當作女博士耶后荅言聞古者賢女未有不覽前世成敗以爲己誠不知書何由見之及爲皇后寵愈隆而

彌挹損每因閑宴常言昔黃帝子孫蕃育蓋由妾媵衆多乃獲斯祚願廣求淑媛以豐繼嗣帝心喜焉

文郭皇后

魏志曰文德郭皇后安平廣宗人也祖世長吏后少而父承奇之曰此乃吾女中王也遂以女王爲字早失二親喪亂流離沒在銅鞮侯家太祖爲魏公時得入東宮后有智數時有所獻納文帝定爲嗣后有謀焉太子卽王位后爲夫人及踐祚爲貴嬪甄后之死由后之寵也遂立爲后黃初五年帝東征后留許昌永始臺時霖雨百餘日城樓多壞有司奏請移止后曰昔楚昭王出遊貞姜留漸臺江水至使者迎而無符不去卒沒今帝在遠吾幸未有是患而便移止柰何明帝卽位尊后爲皇太后稱永安宮

明帝毛皇后

魏志曰明帝悼毛皇后河內人以選入東宮明帝時為平原王進御有寵出入與同輦及即位立為皇后初明帝為王始納河內虞氏為妃帝即位虞氏不得立太太后慰勉焉虞氏曰曹氏好立賤未有能以義舉者也父嘉本典車工卒暴富貴舉動甚甚駭侯楷切語輒自稱侯身人以為笑帝之幸郭皇后也后愛寵日衰景初元年帝遊後園召才人以上宴樂左右曰宜延皇后帝不許乃禁左右使不得宣后知之明日帝見后后曰昨日遊宴北園樂乎帝以左右泄之所殺十餘人賜后死然猶加謚葬愍陵

明帝郭皇后

魏志曰明帝郭皇后西平人也世河右大族黃初中本郡反叛遂沒入宮明帝即位甚見愛幸拜為夫人帝疾困遂立為皇后齊王即位尊后曰皇太后后稱永寧宮值三主幼

弱宰輔親政與奪大事皆先啓太后然後施行母丘儉鍾會等假其命以為亂焉景元四年崩

晉宣穆張皇后

晉書曰宣穆皇后張氏諱春華高祖同郡人也母河內山氏司徒濤之從祖姑也后少有德行智識初高祖辭仕以風痺不能起居曝書遇雨高祖起收書家唯一婢見之后懼言語泄漏乃手殺之而自執爨焉帝由是重之其後相夫人有寵后罕得進見帝嘗卧疾后往省病帝曰老物可憎何煩出也后慙恚不食將自殺諸子亦不食帝驚而致謝后乃止退而謂人曰老物不足惜慮困我好兒耳魏正始八年崩武帝受禪追尊為太后

景懷夏侯皇后

晉書曰景懷夏侯皇后沛國譙人也父尚魏征南大將軍

母曹氏魏德陽鄉主后雅有識度帝每有所為必預籌畫魏世宣帝居上將之重諸子並有雄才大略后知帝非魏之純臣而后既魏氏之甥帝深忌之青龍三年以鳩崩武帝登祚始加號謚

人曰未嘗不弘計謀因非其親其親

文明王皇后

王隱晉書曰文明皇后王肅女秉德清貞體行純和八歲誦詩論特精喪服苟有文義過目則識祖司徒朗異之曰興吾家者必此女矣惜不為男每居大喪常身不勝衣及鍾會見任言於文帝曰會好為事端寵過必弊太始元年尊曰皇后宮曰崇禮自即尊位眷戀素業忽弃華麗四年薨

晉書曰后諱元姬年十二祖朗薨后哀感哭泣發於自然其父益加敬異既笄歸于文帝生武帝

武元楊皇后

晉書曰楊元后父炳言后相貴故文帝為武帝娶之生惠帝武帝疑惠帝不堪奉大統密以語后后曰立嫡以長不以賢豈可動乎帝採諸葛沖等女五十人入殿呈露面常衣令后選取后不取端正唯取長白時卜藩女有美色帝舉扇鄣面語后曰藩女可后曰藩三世皇族不宜枉以卑位其中者以絳紗繫臂遂取胡芳芳啼哭左右曰陛下聞聲芳曰死且不畏何畏陛下帝壯其言父奮聞女中選亦哭曰老奴不死唯有二兒男在九地之下女在九天之上帝拜芳為貴嬪元后疾甚見上素勸胡夫人恐立之又慮太子不安臨終枕帝膝曰從妹男肩有德色不足復娶異姓帝許之崩于明光殿

武悼楊皇后

晉書后妃列傳曰后諱芷字季蘭小字男胤武帝繼室也
 太傅楊駿女咸寧二年即后位婉嫔音翳才色映椒房寵禮
 尤隆后無子賈庶人為太子妃時數以肆情忌嫉失帝意
 帝慮始終之事欲廢焉后為妃陳請曰賈公有勳於王府
 猶將數世宥之況賈妃親則其子夫妬忌亦婦人之常事
 不足以一眚而忘大德帝納焉晏駕尊曰皇太后賈庶人
 五日一朝后既喪所天常有蹙容庶人謂不悅在己愈自
 嫌及星辰有變占於母家不利殿中典兵中郎孟觀等遂
 進勸庶人有先唱者有福後發者受禍庶人遂陷誅后父
 駿三族及內外親屬遷后於永寧宮賈庶人尋諷百僚奏
 太后廢為庶人母龐付廷尉行刑詔初欲宥之卒不可奏
 太后截髮稱穎稱妾以請母於賈庶人而龐遂見刑后不
 勝憂哀崩於幽宮春秋三十有四諡曰武悼皇后

晉後略曰賈后既殺楊庶人於金墉城又信妖巫謂后既
 死必訴怨於先帝乃覆而殯之施諸厭劾符書藥物以合
 瘞之

惠賈皇后

王隱晉書曰后諱南風武帝謀太子婚久不決上欲娶衛
 穉女元后欲娶賈充女上曰衛女有五可賈女有五不可
 衛家種賢而多子端正長白賈女種妬少子醜而短黑郭
 槐多輸寶物於后遂娶南風八年將納妃帝知太子不慧
 故試之盡召東宮官屬作飲食而密封詔使太子決停信
 待之賈妃大懼召人作荅詔草給使張泓曰太子不學而
 荅詔引義必責草主更益譴負不如直以意荅妃大喜語
 泓便為我好荅得富貴與汝共之泓素有小才具草令太
 子自寫武帝大喜賈妃酷妬手殺數人或以刀戟擲孕妾

子乃墮地上大怒治金墉城將廢之趙榮荀勗深救之故得不廢洛陽尉部小吏忽有好物尉疑為盜召詰之賈后親踈欲求盜物往聽對辭云先行逢一老嫗說家有疾師卜當得城南年少厭塞甃相煩尋重報小吏從之上車下帷內著簾箱中行十餘里過六七門限開簾忽見樓閣好屋問此何處云天上即以香湯見浴好衣美食將入見一婦人年三十五六短小青黑色眉後有疵見留數日共宿得此衆物賈氏親踈聞其形狀知是賈后慙而去尉亦解意云時他人多殺之不出唯此小吏以愛得出賈后詐有身內藁物為產具遂取妹夫韓壽兒託之諒闇所生故弗顯賈庶人臨廢遙喚帝曰陛下有婦使人廢之亦當自廢詔賜死

晉書又曰齊王問入廢后后驚曰卿何為來問曰有詔收

后后曰詔當從我出何詔也又問曰誰起事問曰梁趙后歎曰繫狗當繫其頸今反繫其尾何得不然

晉後略曰載賈后以廉車出承明東掖東門詣金墉城食金屑而死

太子未成惠羊皇后

臧氏晉書曰惠羊皇后諱獻容太山南城人也父玄之字弘猷永康元年立為皇后將入宮衣中有火永興元年河閒王顥使將張方廢后於金墉城七月陳旰等唱伐成都王復后位八月張方又廢后十一月張方逼遷大駕幸長安留臺復后位永興二年張方又廢后河閒王顥矯詔賜后死劉暉他昆切等上表后得免帝還洛迎復后位後洛陽令何喬又廢后懷帝即位尊后為惠皇后居弘訓宮洛陽敗沒于劉曜曜僭位以為皇后因問曰朕何如司馬家兒

后曰胡可並焉陛下開基之聖主彼亡國之暗夫有一婦
 一子及身三耳不能庇之貴為帝王而妻子辱於凡庶之
 手妾爾時實不思生何圖復有今日妾生於高門嘗謂世
 閒男子皆然自奉巾櫛已來始知天下有丈夫耳矐甚愛
 寵之生二子而死偽謚獻文皇后

謝夫人附錄金獻謝少日東晉書卷外列傳

晉書曰謝夫人名玖本貧賤父以屠羊為業玖清惠貞正
 而有淑姿選入後庭為才人惠帝在東宮將納妃武帝慮
 太子未知帷房之事乃遣玖往東宮侍寢由是得幸有身
 賈后忌之求還西宮遂生愍懷及立為太子拜玖為淑媛
 及愍懷遇醜玖亦被害焉永康初詔改葬太子因贈玖夫
 人印綬葬顯平陵

晉書曰謝夫人懷王太后

臧氏晉書曰懷王皇太后諱媛姬初入武帝宮拜中才人
 早崩懷帝即位追尊曰皇太后

梁皇后

臧氏晉書曰梁皇后諱蘭璧安定人也祖鴻季儀同三司
 父芬司徒后初為豫章王妃懷帝即位為皇后永嘉中沒
 胡賊

元帝夏侯太妃

晉書曰夏侯太妃名光姬沛國譙人也父莊淮南太守妃
 生自華宗幼而明慧琅耶武王為世子覲納焉生元帝元
 帝立稱王太妃永嘉元年薨于江左葬琅耶國初有讖云
 銅馬入海建業期太妃小字銅環而元帝中興於江左矣

元敬虞皇后荀氏附

晉書元敬虞皇后諱孟母濟陽外黃人父豫元帝為琅耶

王納后為妃無子永嘉六年薨太興三年冊贈皇后璽綬
 祔于太廟
 晉書曰豫章君荀氏元帝宮人也初有寵生明帝及琅耶
 王佑音甫由是為虞后所忌漸見踈薄明帝即位封建安君
 別立第宅太寧元年帝迎還臺內供奉隆厚及成帝立尊
 同於太后咸康元年薨詔曰朕少遭憫凶慈訓無稟撫育
 之勤建安君之仁也并具薨殂實思報復永懷平昔感痛
 哀摧其贈豫章郡君別立廟于京都

晉中興書曰明穆皇后庾氏諱文君左將軍琛第三女也
 后少以珪璋特異令儀淑美故中宗為肅宗納焉初為世
 子妃仁和有禮深見敬重后生顯宗成皇帝顯宗即位尊
 后曰皇太后羣臣奏天子幼冲宜依漢和熹皇后故事后

辭讓數四不得已遂臨朝攝萬機蘇峻作逆王師敗績后
 以憂逼崩時年三十三

成恭杜皇后

晉書曰成恭杜皇后諱陵陽鎮南將軍預之曾孫也成帝
 以后奕世名德咸康二年備禮拜為后后少有姿色然長
 猶無齒有來求昏者輒中止及納采之日一夜齒盡生七
 年三月后崩年二十一后在位六年無子先是三吳女子
 相與簪白花望之如素椽傳言天公織女死為之著服至
 是而后崩

康帝褚皇后

晉中興書曰康獻皇后褚氏字蘇子太傅裒之女也后聰
 明有器識以名家女入為琅耶王妃生孝宗穆皇帝孝宗
 即位尊后曰皇太后泰元元年太后詔曰皇帝婚冠禮備

遐邇宅心宜當陽親覽緝熙惟始今歸政事率由舊典於是復稱崇德太后九年崩于顯陽殿

晉中興書曰簡文鄭皇后丑字籍十六鄭氏諱阿春滎陽人先適田氏生一男夫又亡后依於舅吳氏中宗爲丞相敬后先崩將納吳氏女爲夫人后及吳氏女並遊後園有見之者言於中宗曰鄭氏女雖廢居賢於吳氏遠矣遂以德色納爲夫人甚有寵后雖貴幸而恒有憂色中宗問其故對曰妾有妹中者適長沙王褒餘二妹未出恐姊旣爲人妾無復求者中宗從容謂劉隗曰鄭氏有二妹卿可求佳對使不失舊隗舉其從子備娶第三者以小者適漢中李氏皆得舊門帝稱尊號后雖爲夫人詔太子及東海武陵王皆母事之帝崩后稱建平園夫人咸和元年薨

孝武李太后

晉書曰孝武李太后諱陵容本出微賤始簡文帝爲會稽王有三子廢黜早夭其後諸姬絕孕將十年帝令卜者扈謙筮之曰後房中有一女當育二貴男其一終盛晉室乃令善相者召諸愛妾而示之皆云非其人又悉以諸婢媵示焉時后爲宮人在織坊中形長而色黑宮人皆謂之崑崙旣至相者驚云此其人也帝以大計召之侍寢后數夢兩龍枕膝日月入懷帝聞異焉遂生孝武帝

王皇后

晉中興書曰孝武定皇后王氏字法惠寧康三年中軍將軍相沖侍中臣康奏晉陵太守王蘊女天性柔順惠心塞淵儀度旣同四業允備且盛德之胄美善先積參議可以配德乾元恭承宗廟貞進六官母儀天下故烈宗納焉后

性嗜酒驕妬帝深患之乃召蘊於東堂具說后過狀令加
 訓誡蘊免冠謝焉后於是少自改飾太元五年崩葬于
 軍中興書曰安帝陳太后太元王盛文太后柔順慈惠
 晉中興書曰安德太后陳氏松滋人也諱歸女父廣以倡
 進仕至平昌太守后以美色能歌彈入宮初為淑媛生安
 恭二帝太元十五年薨贈夫人追崇曰皇太后

晉書曰恭思褚皇后諱靈媛河南陽翟人義興太守爽之
 女也后初為琅耶王妃元熙元年立為皇后生海鹽富陽
 公主及帝禪位于宋降為零陵王妃宋元嘉十三年崩祔
 葬冲平陵

太平御覽卷第一百三十八

太平御覽卷第一百三十九

外皇親部五

後魏敘后事

神元寶皇后

文封皇后

栢祁皇后

平文玉皇后

昭成慕容皇后

獻明賀皇后

道武慕容皇后

道武劉皇后

明元姚皇后

明元杜皇后

太武赫連皇后

太武賀皇后

景穆閻皇后

文成馮皇后

文成李皇后

獻文李皇后

孝文林皇后

孝文廢皇后馮氏

孝文馮皇后

孝文高皇后

後魏敘后事

後魏書魏故事將立皇后必令手鑄金人以成者為吉不成則不得立也又世祖高宗緣保母劬勞之恩極尊崇之義雖事乖典禮而觀過知仁

神元寶皇后

後魏書曰神元寶皇后沒鹿回部大人賓之女賓臨終誠其二子速侯回題令其善事帝及賓卒速侯等欲因帝會喪為變語頗漏泄帝聞之知其終不奉順乃先圖之於是使勇士於中營晨起以佩刀殺后馳使告速侯等言曰后暴崩速侯等驚走赴因執而殺之

文封皇后

後魏書曰文帝皇后封氏生栢穆二帝後早崩栢帝立乃葬高宗初穿天淵池獲一石銘稱栢帝葬母氏遠近赴會

二十餘萬人有司以聞命藏之太廟次妃蘭氏生二子長子曰藍早卒次子思帝也

栢祁皇后

後魏書曰栢帝后祁氏生三子長曰普根次惠帝次煬帝平文崩后攝國事時人謂之曰女國后性猛忌平文之崩后所為也

平文王皇后

後魏書曰平文皇后王氏廣甯人年十三因事入宮得幸於平文生昭成平文崩昭成在襁褓時國有內難將害諸皇子后匿帝於袴中懼人知祝曰若天祚未終者汝便無聲遂良久不啼得免於難烈帝之崩國祚殆危興復大業后之力也十八年崩葬雲中金陵太祖即位配饗太廟

昭成慕容皇后

後魏書曰昭成皇后慕容氏慕容元真之女也有寵生獻明帝及秦明王后性聰敏多智沉厚善決斷專理內每事多從建國二十三年崩太祖即位配饗太廟

獻明賀皇后

後魏書曰獻明皇后賀氏父野干東部大人后少以容儀選入東宮生太祖符洛之內侮也后與太祖及故臣民避難北徙俄而高車奄來抄掠后乘車與太祖避賊而南輅失轄后懼仰天告曰國家膺胄豈正爾絕滅也唯神靈扶助遂馳輪正不傾而免難其後劉顯使人將害太祖帝姑爲顯弟亢涅妻知之密以告后后乃令太祖去之后夜飲顯使醉之向晨故驚廐中羣馬使起視馬后泣而謂曰吾諸子始皆在此今盡亡失汝等誰殺之也故顯不使急追太祖至賀蘭部顯怒將害后后夜奔亢涅家匿神車中三

日亢涅舉室請救乃得免會劉顯部亂始得亡去皇始元年崩時年四十六祔葬于盛樂金陵追尊諡配饗焉

道武慕容皇后

後魏書曰道武皇后慕容寶之季女也中山平後入充掖庭得幸左丞相衛王儀等奏請立后帝從羣臣議令后鑄金人成乃立之告於郊廟封后母孟爲溧陽君後崩

道武劉皇后

後魏書曰道武宣穆皇后劉眷女也登國初納爲夫人生華陰公主後生明元后專理內事寵待有加鑄金人不成故不得登后位魏故事後宮產子將爲儲貳其母皆賜死太祖末年后以舊法薨太宗卽位追尊諡號配饗太廟自此後宮子爲帝母皆正位配饗焉

明元姚皇后

後魏書曰明元昭哀皇后姚興女也興封西平長公主太宗以後禮納之後為夫人后以鑄金人不成未昇尊位然帝寵幸之出入居處如后焉是後猶欲正位而后謙讓不當五年葬帝追恨之贈皇后璽綬而加謚葬雲中金陵

後魏書曰明元密皇后杜氏魏郡鄴人陽平王超之妹也初以良家子選入太子宫有寵生世祖太宗即位拜為貴嬪太常五年薨謚密貴嬪葬雲中金陵世祖即位追尊號謚配饗太廟又立后廟于鄴刺史四時薦祀後甘露降於后廟庭高祖時相州刺史高閔表修后廟詔婦人外成理無獨祀陰必配陽以成天地未聞有莘之國立太妃之饗使罷祀先是世祖保母竇氏初以夫家坐事誅與二女俱入宮操行純備進退以禮太宗命為世祖保母性仁慈勤

撫導世祖感其恩訓奉養不異所生及即位尊為保太后後尊為皇太后貞君元年崩時年六十三謚曰惠葬嶧山從后意也初后嘗謂左右曰吾於先朝本無位次不可違禮以從園陵北山之上可以終託故葬焉別立后寢廟於嶧山建碑頌德

太武赫連皇后

後魏書曰太武皇后赫連氏屈丐女也世祖平統萬納后及二妹俱為貴人後立為皇后高宗初崩祔葬金陵

太武賀皇后

後魏書曰太武敬皇后賀氏代人也初為夫人生恭宗神廟加元年薨追贈貴嬪葬雲中金陵後追加號謚配饗太廟

景穆間皇后

後魏書曰景穆恭皇后郁久闕氏河東王毗妹也少以選入東宮有寵貞君元年生高宗世祖末年薨高宗即位追尊號謚葬於雲中金陵是時高宗乳母常氏本遼西人太延中以事入宮世祖選乳高宗慈和履順有劬勞保護之功高宗卽位爲保太后尋尊爲皇太后謁於郊廟和平元年崩謚曰昭葬於廣寧磨笄山俗謂之鳴雞山太后遺志也

文成馮皇后

後魏書曰文成文明皇后馮氏父朗秦雍二州刺史西郡公母樂浪王氏生后於長安有神光之異朗坐事誅后遂入宮世祖昭儀后之姑也雅有母德撫養教訓年十四高宗踐極以選爲貴人後立爲皇后高宗崩故事國有大喪三日之後御服器物一以燒焚百官及中官號泣而臨之

后悲叫自投火中左右救之良久乃蘇顯祖卽位尊后爲皇太后丞相乙渾謀逆顯祖年十三居于諒闇太后密定大策誅渾遂臨朝聽政及高祖生太后躬親撫養是後罷令不聽政事太后行不正內寵李奕顯祖因事誅之太后不得意顯祖暴崩時言太后爲之也明元年承尊號曰太皇太后復臨朝聽政太后性聰達自入宮掖粗學書計及登尊極省決萬機高祖詔曰朕以虛寡幼纂寶曆仰恃慈明緝寧四海欲報之德正覺是憑諸鷲音至傷生之類宜放山林其以此地爲太皇太后經始靈塔是時罷鷹師曹以其地爲報德佛寺太后與高祖遊于方山顧瞻川阜有終焉之志因謂群臣曰舜葬蒼梧二妃不從豈必遠祔山陵然後爲貴哉吾百年之後神其安此高祖乃詔有司營建壽陵於方山又起永固石室將終爲清廟焉刊石立碑頌

太后功德太后以高祖富於春秋乃作勸戒歌三百餘章又作皇詒十八篇太后又制內屬五廟之孫外戚六親總麻皆受復除素儉性不好華飾躬御縵繒而已太后多智略猜忌能行大事是以威福兼作震動內外故王遇張祐符承祖等拔自微闕歲中而至王公王獻出入卧內數年之間便為宰輔賞賚財帛以千萬億計金書鐵券許以不死之誓李冲雖以器能受任亦由見寵帷幄密加賜賚不可勝數太后曾與高祖幸靈泉池醺羣臣及蕃國使人諸方渠帥各令為其方舞高祖率羣臣上壽於太后太后忻然自歌高祖亦和歌遂命羣官各言其志於是和歌者九十人太后外禮民望元丕游明根等頒賜金帛輿馬每至褒美獻等皆引丕等而參之以示無私也十四年崩於太和殿年四十九其日有雌雉集于太華殿高祖酌飲不入

口五日毀墓過禮諡曰文明太皇太后葬於永固陵高祖毀瘠絕酒肉不內御者三年初高祖孝於太后乃於永固陵東北里餘營壽宮有終焉瞻望之志及遷洛陽乃自表灑西以為山園之所而方山靈宮石室至今猶存號曰千年堂

文成李皇后

後魏書曰文成皇后李氏梁國蒙縣人也頓丘王峻之妹也后之生也有異於常父方叔恒云此女當大貴及長姿質美麗世祖南征永昌王仁出壽春軍至后宅內得后及仁鎮長安遇事誅后與其家人送平城宮高祖登白樓望見之謂左右曰此婦人佳乎左右咸曰然乃下臺后得幸於齋庫中遂有娠常侍太后後問后后云為帝所幸仍有娠時守庫者亦私書壁記之別加驗問皆相符同生顯祖

拜貴人薨後諡曰元皇后葬金陵配饗太廟

獻文李皇后

後魏書曰獻文思皇后李氏中山安壽人南郡王惠之女也姿德婉淑年十八選入東宮顯祖即位為夫人生高祖皇興三年薨上下莫不悼惜葬金陵承明元年追崇號諡配饗太廟

孝文林皇后

後魏書曰孝文貞皇后林氏平涼人叔父金閭起自闔宦有寵於帝太后位至尚書封平涼公金閭兄勝為平涼太守金閭顯祖初為定州刺史未幾為乙渾所誅兄弟皆死勝無子有二女入掖庭后容色美麗得幸於高祖生皇子恂音荀將為儲貳太和七年后依舊制薨諡曰貞皇后葬金陵及恂以罪賜死有司奏廢后為庶人

孝文廢皇后馮氏

後魏書曰孝文廢后馮氏太師熙之女太和十七年立為后高祖遵經典禮后夫人嬪已下接御皆以次進車駕南伐后留京師高祖又南伐后率六宮遷洛陽及后父熙兄誕薨高祖為書慰以敘哀情及車駕還洛恩遇甚厚高祖後重引后姊昭儀至洛稍有寵后禮愛漸衰昭儀自以年長且前入宮掖素見待念輕后而不率妾禮后雖性不好忌時有愧恨之色昭儀規為內主譖搆百端尋詔廢為庶人后貞謹有德操遂為練行尼

孝文馮皇后

後魏書曰孝文幽皇后亦馮熙女也母曰常氏本微賤得幸於熙元妃公主薨後遂主家事生后與北平公鳳文明太皇太后欲家世貴寵乃簡熙二女俱入掖庭時年十四

其一早卒后有姿媚見愛幸未幾疾病文明太后乃遣還家爲尼高祖猶留念焉歲餘而文明太后崩高祖服終後頗存訪之又聞后素疾痊除遣璽書勞問遂迎赴洛陽及至寵愛過初專寢當夕宮人稀復進見拜爲左昭儀後立爲皇后後高祖頻歲南征后遂與閹宦高菩薩私亂及高祖在汝南不豫后便公然醜恣中常侍雙蒙等爲其心腹中常侍劇鵬諫而不從憤懼致死是時彭城公主宋玉劉昶子婦也年少嫠居北平公馮夙后之同母弟后求婚於高祖高祖許之而公主志所不願后欲強婚之有日矣公主密與侍婢及家僮十餘人乘輕車冒霖雨赴懸瓠奉見高祖自陳本意因言后與菩薩亂狀高祖聞因駭愕未之全信而祕匿之惟彭城王侍疾左右乃具言其事此後后漸憂懼與母常氏求託女巫禱厭無所不至願高祖疾不

起一旦得如文明太后輔少主稱令者許賞報不貲音乃取三牲宮中妖祠假言祈福專爲左道高祖自豫州北幸鄴后慮還見治檢彌懷危怖驟令閹人託參起居皆賜之衣裳慙懃託寄勿使漏泄亦令雙蒙充行皆其信者也唯小黃門蘇興壽密陳委曲高祖問其本末勅以勿泄至洛執問菩薩雙蒙六人迭相證舉具得情狀高祖卧含温室夜引后并列菩薩等於戶外后臨入令閹人搜衣中稱有寸刃便斬后頓首泣謝乃賜坐東楹去御筵二丈餘高祖令菩薩等陳狀讓后曰汝母妖術可具言之后乞屏左右有所密啓高祖勅中侍悉出唯令長秋卿白整在側后猶不言高祖乃令以綿堅塞整耳小語呼整再三無所應乃命后言事隱人莫知之高祖乃呼彭城北海二王令入坐言昔是爾嫂今乃他人但入勿避二王固辭不獲命及入

高祖云此老嫗乃欲白刃插我肋汝可窮問本末勿有所難高祖深自引過致愧二王又云馮家女不能復相廢逐且使在宮中空坐有心乃能自死汝等勿謂吾猶有情也高祖素至孝猶以文明太后故未便行廢良久二王出乃賜后辭決再拜稽首泣涕欷歔令宿東房高祖疾甚謂彭城王勰曰後宮久乖陰政自絕于天若不早爲之所恐成漢末故事吾死之後可賜自盡別宮可葬以后禮庶掩馮門之大過高祖崩北海王祥奉宣遺旨長秋卿白整等入授后藥后走呼不肯引決執持強之乃含椒而盡殯以后禮謚曰幽后葬長陵營內

孝文高皇后

後魏書曰孝文昭皇后高氏司徒公肇妹也父颺母蓋氏凡四男三女皆生於東齋高祖初乃舉室西歸達龍城鎮

表后德色婉艷任充宮掖及至文明太后親幸北部見后姿貌奇之遂入掖庭年十三初后之幼也曾夢在堂內立而日光自牕中照之灼灼而熱后東西避之光猶斜照不已如是數夕后自怪之以白其父颺颺以問遼東人閔宗宗曰此奇徵也貴不可言颺曰何以知之宗曰夫日者君之德帝王之象也光照女身將被帝命誕育人君之象遂生世宗後生廣平王懷次長樂公主及馮昭儀寵盛密有母養世宗之意后自代如洛陽暴薨於汲郡之共縣或云昭儀遣人賊后也世宗之爲皇太子三日一朝幽后后遂撫念慈愛有加親視櫛沐母道隆備其後有司奏請加謚曰文昭貴人高祖從之世宗踐祚追尊配饗肅宗詔曰文昭皇太后德協坤儀美符大妣作合高祖實誕英聖而夙世淪暉孤瑩弗祔先帝孝感自衷遷奉未遂永言哀恨義

結幽明廢呂尊薄禮申漢代又詔日文昭皇太后尊配高祖祔廟定號促令遷奉自終及始太后當主可更上尊號稱太皇太后初開終寧陵數丈於梓宮上獲大蛇長丈餘黑色頭有王字蟄而不動靈櫬遷還置蛇舊處

太平御覽卷第一百三十九

太平御覽卷第一百四十一

皇親部六

後魏宣武于皇后

宣武高皇后

宣武胡皇后

孝明胡皇后

西魏孝武高皇后

文帝乙弗后

郁久闕后

廢帝宇文后

恭帝若干后

東魏孝靜高皇后

後周文元皇后

文叱奴后

閔元后

明獨孤后

武阿史那后

孝李后

宣楊后

宣朱后

宣陳后

宣元后

宣尉遲后

靜司馬后

隋文獨孤皇后

宣華夫人

煬帝蕭皇后

後魏宣武于皇后

後魏書曰宣武皇后于氏太尉烈弟勁之女也世宗始親政事烈時為領軍總心膂之任以嬪御未備因左右諷諭稱后有容德世宗乃迎入為貴人時年十四甚見寵愛立為皇后謁于太廟后靜默寬容性不妬忌生皇子昌三歲夭沒其後暴崩宮禁事秘莫能知悉而世議歸咎于高夫人葬永太陵謚曰愼皇后

宣武高皇后

後魏書曰宣武高皇后文昭弟偃之女也世宗納為貴嬪生皇子早夭又生建德公主後拜為皇后甚見禮重性妬忌宮人稀得進御及肅宗即位上尊號曰皇太后尋為尼居瑤光寺非大節慶不入宮中建德公主始五六歲靈太后恒置左右撫愛之神龜元年太后出觀母武邑君時天文有變靈太后欲以太后當禍是夜暴崩天下怨之喪還瑤光佛寺葬殯皆以尼禮世宗暮年高后悍音忌夫人嬪御有至帝崩不蒙侍接者由是在洛二十餘年皇子全育惟肅宗而已

宣武胡皇后

後魏書曰宣武靈皇后胡氏安定臨涇人司徒國珍之女后母皇甫氏產后之日赤光四照京兆北山縣有趙胡者善於卜相國珍往問之胡云賢女有大貴之表方為天地母生天地主勿過三人知也后姑為尼頗能講道世宗初入講禁中積數歲諷左右稱后姿行世宗聞之乃召入掖

庭爲承華世婦而椒庭之中以國舊制相與祈祝皆願生諸王公主不願生太子也惟后每謂夫人等言天子豈可獨有兒子何緣畏一身之死而令皇家不育家嫡乎及肅宗在孕同列猶以故事相恐勸爲諸計后固意確然幽夜獨誓云但使所懷是男次第當長子生身死所不辭也既誕肅宗進爲充華嬪先是世宗頻喪皇子自以春秋長矣深加慎護爲擇乳母皆取良家宜子者養於別宮皇后及充華殯皆莫得而撫視焉及肅宗踐祚尊后爲皇太妃後尊爲皇太后臨朝聽政猶稱殿下令以行事後改令稱詔群臣上書曰陛下自稱曰朕太后以肅宗冲幼未堪親祭欲傍周禮夫人與君交獻之義代行祭禮訪尋故式門下召禮官博士議以爲不可而太后欲以帷幔自障觀三公行事重問侍中崔光光便據漢和熹_{熹音}鄧后薦祭故事

太后大悅遂攝行祠祀太后性聰悟多才藝姑旣爲尼幼相依託略得佛經大義親覽萬機手筆斷決幸西林園法流堂命侍臣射不能射者罰之又自射針孔中之大悅賜左右布帛有差先是太后勅造申訟車時復御焉出自雲龍大司馬門從宮西而北入自千秋門以納寃訟又親策孝秀州郡計吏於朝堂太后與肅宗幸華林園宴羣臣于都亭曲水令王公以下賦七言詩太后詩曰化光造物含氣貞肅宗詩曰恭己無爲賴慈英王公以下賜帛有差太后父薨百寮表請公除太后不許尋幸永寧寺觀建刹於九級之基僧尼士女赴者數萬人後幸左藏公主嬪女已下從者百餘人皆令任力負布綰卽以賜之尋幸闕口温水登雞頭山自射象牙簪一發中之勅示文武時太后得志逼幸清河王懌姪亂肆情爲天下所惡領軍元叉長秋

卿劉騰等奉肅宗於顯陽殿幽太后於北宮於禁中殺憚
 自劉騰死又又寬怠太后與肅宗及高陽王雍為計解又
 領軍太后復臨朝大赦改元自是朝政踈緩威恩不立天
 下牧守所在貪恠音鄭儼寵私宮掖勢傾海內李神軌徐
 紇並見親待一二年中位總禁要手握玉爵輕重在心宜
 淫於朝為四方之所厭穢文武解體所在亂逆土崩魚爛
 始於此矣及武太元年爾朱榮稱兵渡河太后盡召明帝
 六宮皆令入道太后亦自落髮榮遣騎拘送太后及幼主
 於河陰太后對榮多所陳說榮拂衣而起太后及幼主並
 沈於河水太后妹馮翊君收瘞於雙靈寺武帝時始葬以
 后禮而追加謚焉又曰靈太后頗事莊飾數出遊幸元順
 面諍曰禮婦人夫喪自稱未亡人首去珠珥音衣不被綵
 陛下母臨天下年垂不惑過修容飾何以示後世靈太后

慙而還入召順責曰千里相徵豈欲眾見辱也順曰陛下
 盛服炫容不畏天下所笑何恥臣之一言乎王帝繼則大

孝明胡皇后

後魏書曰孝明胡皇后靈太后從兄冀州刺史盛之女也
 靈太后欲榮重門族故立為皇后肅宗頗有酒德專嬖充
 華潘氏后及嬪御並無過寵太后為肅宗選納抑屈人流
 時博陵崔孝芬女范陽盧道約女隴西李瓚女等俱為世
 婦諸人訴訟咸見忿責武太初后既入道遂居於瑤光寺
 焉

西魏孝武高皇后

後魏書曰孝武皇后高氏齊神武長女也帝見之乃納為
 后及帝西幸關中降為彭城王妃

文帝乙弗后

後魏書曰文帝文皇后乙弗氏河南洛陽人也其先世爲吐谷渾渠帥居青海號青海王涼州平后之高祖莫瓌擁部落入附拜定州刺史封西平公自莫瓌後三世尚公主女乃多爲王妃甚見貴重父瑗儀同三司兗州刺史母淮陽長公主孝文之第四女也后美容儀少言笑年數歲父母異之指示諸親曰生女何妨也若此者實勝男年十六文帝納爲妃及帝即位以太統元年冊爲皇后后性好節儉蔬食故衣珠玉羅綺絕於服玩又仁恕無嫉妬之心帝益重之生男女十二人多早夭唯太子及武都王戎在焉時新都關中務欲東討蠕蠕音軟寇邊未遑北伐故帝結婚以撫之於是更納悼后命后遜居別宮出家爲尼悼后猶懷猜忌復徙后居秦州依于秦州刺史武都王帝雖限大計恩好不忘後密令養髮有追還之意然事祕禁外無知

之者六年春蠕蠕舉國渡河前驅已過而頗有言虜爲悼后之故興此役帝曰豈有百萬之衆爲一女子舉也雖然致此物論朕亦何顏以見將帥耶乃遣中常侍曹寵賚手勅令后自盡后奉勅揮淚謂寵曰願至尊享千萬歲天下康寧死無恨也因命武都王前與之決遺語皇太子辭皆悽愴因慟哭久之侍御咸垂涕失聲莫能仰視召僧設供令侍婢數十人出家手爲落髮事畢乃入室引被入自覆而崩年三十一鑿麥積崖爲龕而葬神柩將入有二藜雲先入龕中頃之一滅一出後號寂陵及文帝山陵畢手書云萬歲後欲令后配饗公卿乃議追謚曰文皇后祔於太廟廢帝時合葬於永陵

郁久間后

後魏書曰文帝悼皇后郁久間氏蠕蠕主阿那瓌之長女

容貌端嚴夙有成智大統初蠕蠕屢犯北邊文帝乃與通
好結婚扶風王孚受使奉迎蠕蠕俗以東爲貴后之來營
幕戶席一皆東向車七百乘馬萬匹駝千頭到黑鹽池魏
朝齒簿文物始至孚奏請正南面后曰我未見魏主故蠕
蠕女也魏仗向南我自東面孚無以辭四年正月至京師
立爲皇后時年十四六年後懷孕將產居於瑤華殿聞上
有狗吠聲心甚惡之又見婦人盛飾來至后所后謂左右
曰此爲何人醫巫傍侍悉無見者時以爲文后之靈產訖
而崩年十六葬於少陵原十七年合葬永陵當會橫橋北
后梓宮先主鹿苑帝輶音輶輶音輶後來將就次所軸折不進
西魏廢帝宇文后

後魏書曰廢帝皇后宇文氏周文帝女也后初產之日有
雲氣滿室芬氣久之幼有風神好陳列女圖置之左右周
文曰每見此女良慰人意廢帝之爲太子納爲妃及即位
爲皇后志操明秀帝深重之專寵後宮不置嬪御帝既廢
崩后亦以忠於魏室罹禍

恭帝若干后

後魏書曰恭帝皇后若干氏司空長樂公正惠之女也有
容色恭帝納之爲妃及即位立爲皇后後出家爲尼在佛
寺薨竟無諡

東魏孝靜高皇后

後魏書曰孝靜高皇后齊獻武王之第二女也天平四年
詔娉以爲皇后王前後固辭帝不許興和初詔侍中司徒
孫騰司空公襄城王旭一云兼尚書令司州牧西河王暉
藏宗兼太常卿及宗正卿元孝友等奉詔致禮并備宮官
侍衛以后駕迎於晉陽之丞相第五月立爲皇后大赦天

下齊受禪降為中山王妃
後周書曰文元皇后魏孝武妹初封平原公主通開府張
歡遇后無禮帝殺歡改封后馮翊公主以配太祖生孝閔
薨祔葬成陵

文叱奴后

後周書曰文叱奴后太祖為丞相納后為姬生高祖高祖
即位後尊為皇太后建德三年三月己酉崩四月丁巳葬
永固陵

閔元后

後周書曰閔元皇后名胡摩魏文帝第五女初封晉安公
主愍帝為洛陽公尚焉及踐祚立為皇后帝被廢后出俗
為尼高祖誅晉公護上帝尊號為愍帝以后為孝愍皇后

號崇義宮隋氏革命出居里第大業十二年殂

明獨孤后

後周書曰明獨孤后太保衛公信之長女也帝在藩納為
夫人帝即位立為王后在位數日崩葬昭陵世宗崩與后
祔葬之

武阿史那后

後周書曰武阿史那后突厥木杆可汗俟斤之女突厥滅
茹茹而怒切後盡有塞表之地控弦十數萬於是凌逼中原
太祖方與齊人爭衡結以為援俟斤初欲以女配帝保定
五年二月詔陳公純等備皇后文物及行殿并六宮已下
一百二十人至俟斤牙帳所迎后俟斤又許齊人以婚將
有異志純等在彼累載不得反命會雷風大起飄壞其穹
廬等旬日不止俟斤大懼以為天譴去戰切乃禮送后及純

等設行殿列羽儀奉之以歸高祖行親迎之禮后有姿貌
善容止高祖深敬焉宣帝卽位尊爲天元上皇太后隋開
皇二年殂年三十一隋文詔后祔葬孝陵隋文人
後周書曰孝帝李后名娥姿楚人也于謹平江陵后家被
籍沒至長安太祖以后賜高祖高祖幸之生宣帝宣帝卽
位尊爲天元聖皇太后宣帝崩靜帝尊爲太帝太后隋開
皇初出俗爲尼改名常悲薨以尼禮葬之京城南

宣楊后

後周書曰宣帝楊后名麗華隋文帝長女帝在東宮高祖
爲帝納后爲皇太子妃宣政元年立爲天元皇后后性柔
婉不妬忌四皇后及嬪御等咸愛而仰之帝後昏暴滋甚
喜怒乖度嘗譴后欲加之罪后進止詳閑辭色不撓帝大

怒遂賜后死逼令引決后母獨孤氏聞之詣閣陳謝叩頭
流血然後得免帝崩靜帝尊后爲皇太后號弘聖皇太后
初宣帝不豫詔隋文帝入禁中侍疾及大漸劉昉鄭譯等
因矯詔以后父受遺輔政后雖初不預謀然以嗣主幼冲
恐權在他族不利於己聞昉譯已行此詔甚悅後知父有
異圖意頗不平形於言色及行禪代憤惋愈甚隋文帝旣
不能譴責內甚愧之開皇六年封后爲樂平公主後又議
奪其志后誓不許乃止大業中殂祔葬定陵

宣朱后

後周書曰宣朱皇后名滿月吳人也其家坐事沒入東宮
帝爲太子后被選掌衣服召而幸之遂生靜帝靜帝立尊
爲天元太皇后后本非良家子年又大帝十歲踈賤無寵
以靜帝之故特尊崇之宣帝崩靜帝卽位尊爲太后隋初

出俗爲尼改名法淨後殂以尼禮葬之

後周書曰宣陳后

後周書曰宣陳后名月儀自云潁川人大將軍山提之女以選入宮拜爲德妃月餘立爲天元左大皇后帝崩出俗爲尼改名華光父山提本爾朱兆之隸仕齊爲特進開府謝陽王高祖平齊拜大將軍以后父超授上柱國除大宗伯

宣元后

後周書曰宣元皇后名樂尙河南洛陽人開府晟之第二女也年十五被選入宮拜貴妃後立爲天元右大皇后宣帝崩出俗爲尼名華勝父晟少以元氏宗室拜開府

宣尉遲后

後周書曰宣尉遲皇后名繁熾蜀公迴之孫女也有美色

初適杞公亮之子西陽公溫後以宗婦入朝帝逼而幸之後亮聞謀逆帝遂誅溫追后入宮立爲天元右大皇后帝崩出俗爲尼改名華道年四十殂

靜司馬后

後周書曰靜帝司馬后名令姬柱國滎陽公消難之女宣帝傳位於帝納后爲皇后隋文帝以后父消難擁衆奔陳廢后爲庶人後嫁爲隋司州刺史李丹妻

隋文獨孤皇后

隋書曰文獻獨孤皇后河南雒陽人周大司馬河內公信之女也信見高祖有奇表故以后妻焉時年十四高祖與后相得誓無異生之子后初亦柔順恭孝不失婦道后姊爲周明帝后長女爲周宣帝后貴戚之盛莫與爲比而后每謙卑自守世以爲賢及周宣帝崩高祖居禁中摠百揆

后使人謂高祖曰大事已然騎獸之勢必不得下勉之高祖受禪立為皇后性尤妬忌上亦每事唯后言是用后見諸王及朝士有妾孕者必勸上斥之時皇太子多內寵妃元氏暴薨后意太子愛妾雲氏害之由是風土貴廢太子立晉王廣皆后之謀也仁壽二年八月甲子月暈四重己巳太白犯軒轅其夜后崩於永安宮時年五十葬於太陵

宣華夫人陳宣帝之女也性聰慧姿貌無雙及陳滅

配掖庭後選入宮為嬪時獨孤皇后性妬後宮罕得進御唯陳氏有寵晉王廣之在藩也陰有奪宗之計媚陳氏皇太子廢立之際頗有力焉及文獻皇后崩進位為貴人專房擅寵主斷內事六宮莫與為比及上大漸遺詔拜為宣華夫人煬帝嗣位之後出居仙都宮尋召入歲餘而終時

二十九帝深悼之為製神傷賦

煬帝蕭皇后

隋書曰煬帝蕭皇后梁明帝歸丘軌之女也江南風俗二月生子者不舉后以二月生由是季父岌收而養之未幾岌夫妻俱死轉養舅氏張軻家然軻甚貧窶具宇后躬親勞苦煬帝之為晉王時高祖將為王選妃於梁遍占諸女皆不吉歸迎后於舅氏令使者占之曰吉於是遂策為王如后性婉順有智識好學解屬文頗知占候高祖大善之帝甚寵敬焉及帝嗣位詔立為后帝每遊幸未嘗不隨侍從及宇文氏之亂隨軍至聊城化及敗沒寶建德突厥處羅可汗遣使迎后於洛州建德不敢留遂入於虜庭唐貞觀四年滅突厥乃以禮致之歸于京師

購以平賊突熈八以費短之請下京師

解下千重對影司外前世數斷不於前表入位亂則難負

對外中又刃之屬劉車至臨外外以激其寶裝對突熈

太平御覽卷第一百四十四立食味帝神殺幸未嘗不勤

故以封鼓燧官督辦我學醫文融成古淵高唐入善之

昔不古繼以氣使刃令到者古之自古外學教策氣王

發苦繼帝之效晉王都高唐神氣王發效楚樂國古精文

吳夫妻持不神養與丸聚神本然神好會變其字亦不

且坐千言不取以以二月坐由是幸其效效而養之未

謂清口後也神是司藥神神神神神神神神神神神神

二十八帝對對之似機神神神



